

晚晴移詩匯

晚晴移詩匯卷八十二目錄

翁方剛 四十二首

朱筠 四十首

紀昀 二十三首

晚晴移詩匯卷八十二

徐世昌

翁方剛字正三號覃溪大興人乾隆壬申進士改庶吉士授編修歷官內閣學士降鴻臚寺卿重宴鹿鳴賜三品銜重宴瓊林賜二品銜有復初齋集

王蘭泉曰覃溪精心績學宏覽多聞詩宗江西派出入山谷誠齋雖嘗仿趙秋谷聲調譜取唐宋大家古詩審其音節刊示學者然自作亦不盡合也吳蘭雪曰覃溪師論詩以杜韓蘇黃及元遺山虞道園六家爲宗全集多至五六千首命余核定卒業余請分編爲內外集性情風格氣味音節得詩人之正者爲內集考據博雅以文爲詩者曰外集吾師亦以爲然張南山曰先生生平論詩謂漁洋拈神韻二字固爲超妙但其弊恐流爲空調故特拈肌理二字蓋欲以實救虛也陶彙薈曰先生詩分兩種金石碑版之作偏旁點畫剖析入微折衷至當品題書畫之作法時代辨訂精微蓋其學問既博而才力又足以副之故能洋洋縱橫別開生面不可謂非當代一大家也

詩話覃溪以學爲詩所謂瓴甃木石一一從平地築起與華嚴樓閣彈指卽現者固自不同同時如惜抱北江諸人每有微辭持之良非無故然典觀羣怨之外多識亦關詩教且其深厚之作魄力既充韻味亦雋非盡以鬪靡誇多爲能事遺山云少陵自有連城壁爭奈微之識珠玑讀覃溪詩亦作如是觀耳

蒞山以近詩寄惠州舟中點定漫書紙尾

此事辟如作畫然得意乃在筆墨先龍睛一點卻飛去金鍼欲渡何田緣道子之筆項容墨尙聞洪谷譏其專象外雖云得摩詰設色何必非龍眠吾觀營邱華原輩胸中本有全山川層巒疊嶂架樓閣野橋細路分水泉天然遠近與向背依約脈絡相蟬聯然後淡濃視意到變化開闔非言詮此須多識多閱歷目存心鑒日復年位置乃能一一合孰爲粉墨黃朱鉛泊乎神來氣來候但見一片成雲煙向來所取盡糟粕或進于道通于禪裏糧方能辦遠適求

魚且莫思忘筌不到解衣盤礴贏敢希神妙秋毫巔謝生
新詩錄寄我正值惠州初放船短篷晴日爲點定羅浮日
日橫几前偶因卽日悟妙理再書紙尾詞牽連生如問我
何處得得自遠麓空江邊

闕江樓歌

崑崙一脈來夜郎東流直下萬里長包絡滇黔匯交桂中
乃混一灘與湘潯梧百折到南海全入牂牁歸大洋端州
城外石磯石屹此四瞰爲遮防三面皆山一面水水又襟
帶山之旁初看七巖排北牖金天邇池騰光芒諸峰漸西
勢漸闊遠如兩扇根闌張一絲裊裊下天際紆徐浩淼趨
中央忽然斗起跑空立一門萬馬爭奮驤強弓迅矢發不
及白浪倒射蒼厓蒼束以孤亭受以峽峽三十里皆羚羊

建瓴屋下復有屋崧臺址本層層方因臺拓扉俯峽底不知更幾千丈强大湘小湘出帆背頂湖瀝湖穿石梁龍湫又吐諸瀑下峽口急鬪聲礮礮千巖樹逼水關綠萬壑風濺山窗涼自此南江北江合滔滔浩浩仍悠揚百里千里注海去復接橫浦澗滄涯斜陽極天逆遠翠頃刻四壁皆江光雲嵐咫尺在几席大書磨墨神蒼茫

銅馬篇示馮生

我來嶺西訪銅柱懷古一賦銅馬篇摩挲銅鼓況已屢有若手量銅馬然憶昔伏波下交趾駱越鼓正鳴闐闐聞聲豈獨思將帥攬轡萬里秋風前平生閱馬千萬匹老眼默識形神全想像驂駟立突兀斑駁霞雪生雲煙空際嘶聞或風雨意中蹶闊無山川遂空萬古凡馬相一借三尺銅

精傳詔書特置宣德殿太僕黃門幾曾見夜半房星忽下
流銅龍掠影如飛電誰識來從鳶跼卻教作式龍樓院
武皇舊立金馬門渥洼天廡如雲屯當時枉費征西使似
爾纔空冀北羣須信驅黃牝牡外別有倜儻權奇存買骨
誰能懸揣度按圖更要勤求索定視蹏高鬣尾垂不煩錦
轡黃金絡天機一片鑄爾成爲爾暑寒燥溼無變更就我
模範騰光晶世閒豈少九方皋與東門京漫說騏驎地上
行

雷州道中讀道園學古錄憶甲申冬曾讀于此用錄
中韻作詩寄蘊石蘊山未窺其旨也爰爲改作時
丁亥七月二十四日

公撰南州仿中州何啻寶書述左邱惜哉僅傳石問答空

此妙語臨芳洲南渡而後文漸敞銷金鍋內米浙矛程學
盛南蘇學北各主一二難兼收是時江表餘前修那無奇
字揚付侯百年文獻天半壁孰與索隱還闡幽大都文儒
富館閣亦有殷士將羊牛內府圖書誰復識宰相世系或
可求在朝在野都一集風雅可當元春秋所以自負漢庭
吏不肯毫末鉛粉留惜墨幾無一字著豈礙萬丈光芒流
曲折滄蓄皆有故彼夸多者真浮游楊范揭輩藻已弱對
此疑古彝鼎舟溫研一過又三載輶邊海月涼懸鉤

秋晚重游雷州西湖兼懷確齋

湖上稻已長倒漾于湖中飛舞百頃浪抱郭成彎弓誰云
潦水減更覺亭閣空緬思昔來賢大半嗟途窮最著蘇與
寇乃及梁谿翁一笑坡翁言杭穎誰雌雄我昨初秋來行

繞菡萏風野寺訪遺碣斜景餘卧鐘尙此攜舊侶詞賦懷
巖終堅坐遞傳諷僵立愁僕童江海倏霜露風雨吟蛟龍
秋光知君去新霽爲我容澄澄菰芡外雖畫難爲工蒼然
起涼思遠磬生梵宮

秋晚回試高州重題城月驛壁

秋在朝涼午燠閒人歸黃篾碧溪灣數椽聚處成官驛一
鳥飛邊得遠山院雨記聽蕉葉響庭苔似點菊花斑應知
路漸高涼近許借層窗此豁顏

洋畫歌

陰晴遠近同一川樺皮屋子無市廛七道三島想接連人
牛羊兕丈尺前人或坐立羊牛牽青黃宛轉高低田蹋歌
鐻耳爭鮮妍鬪毛染衣光映淵白脈始知尋瀑泉漸引漸

深微綠穿一綫淡入迢迢天騰涌四起雲綿綿大洋萬里
規影圓此皆筆蹤細盤旋有若髮鬢絲絲纏面勢每在膚
寸邊初非組織非丹鉛遠方市易用物全鹿毛之筆松花
煙技巧何止秋毫巔屏風競說端拱年金銀蒔貢自喬然
拂菻女兒詫龍眠亦不盡貴粉墨填紅羅襪軸援古編蝠
蝠扇子螺鈿筵海波不揚海估駢晴風聽泊黃埔船

果亭運使所藏李龍眠五百應真圖卷子既爲書准

海圖記而綴以詩

髯秦記記法能筆心游馬事二十七龍眠卻馬從秀師一
掃人物五百奇以畫三昧作佛事龍虎狸豹兕象獅蠻奴
鬼使侍童女獻花輸畫緣須彌胥來繞一青蓮座白毫相
光初放時梵天重閣紫色萬象攝入圓摩尼疏眉顛面

若曉日欠伸趺坐行以嬉莊嚴變幻各一義問答讚歎誰
知之瀾茫香雲鬢雲起倏忽半月滿月爲卻於水影出墨
彩餅拂之閒天接海空音空色煙浪中萬岫千巒狀旋改
卽離吞吐彼我觀然否五千五百諾俱那徒在石橋挂錫
傳天台曹勛記可雁宕該玉局遺文薦誠院空山水流花
又開此圖不知奚取材展之颯颯虛吹來秋毫神妙筆筆
鐵絲似一氣糾結縹緲非樓臺羣木羣石勢欲動飛者走
者生喜生悲哀千鐙一光彼卽此無文字處皆偈子多事
我爲寫秦記以馬喻馬指喻指嗟馬與指我豈知吮墨新
陽上窗紙

望羅浮

只有濛濛意人家與釣磯寺門鐘乍起樵客徑猶非四百

層泉落三千丈翠飛與誰參畫理半面盡斜暉

電白道中

露螢遞開闔風蟬自軒舉泱泱澗水鳴咽咽草蟲話後岡
嵐滴翠前岫雲聚乳莽蒼大石閒綠霧曠吞吐田澤蓄未
盈味爽氣煦煦理策上修坂中途屢迴佇歧彼文蔚者韜
養待濛雨

仲夏風露淺未旦及氣滋地底沸如湯驅過熱水池莫使
人氣雜斯取夜養斯南欄百草香迎陽弄歲蕤陵岡擗丹
霞俯汲以默思鴉鵲籟未起獨聽樵斧時

鼃蠅亦未鳴稻區半黃青時見三折水斷葦涵明星蕩蕩
野渡闕巖口取微冥沙戶犁未停村火窗猶熒負戴者誰
子役車上遠陘豈知勞者思折麻感微馨緬彼邱中琴倦

此野際萃孰云翫迴轉得展耳目營

重陽後五日同裕軒辛楣遊城南萬泉寺

活活蒸冬水先迎冷客來僧房埽黃葉禪榻卽蒼苔醞釀
村陰意商量野菊開誰能未花日閒步問豐臺

十年食藕處有寺已無亭草徑幽能熟蘭襟淡更馨雨兼
萑葦響泉帶轆轤聽意在寒林背西山分外青

買得蘇詩施注宋槧殘本卽商邱宋氏藏者

國初海虞有二本其一寅歲收六丁

順治七年十月事

維時湖南

寶晉叟把卷凭閣看飛熒宋元舊本鏤次第獨此未及傳
模型可憐醴泉化度法瑤臺戍削留娉婷也是園翁痛著
錄不得再歟隄麋馨一朝東吳故家得四十二卷重汗青
黃州判官有舊夢笠屐圖子來丁甯由儀篇忽上客譜東

廣微濫吹竽聽銜薑黠鼠到潛采衆目特讓查田醒江南
書手費影寫掇拾想像於奇零施注實惟施願注施家蘇
學詒過庭紹興書藏嘉泰歲淮東板出倉曹廳漢孺楷書
作佳話湖州詩獄此又經石鼓文與會稽志同時校槧新
發硌施武子又於淮東倉司訂石鼓文刻之嘉泰毗陵先
生世莫識要以土蝕成青萍宣和開禁蘇氏文字學者卷
前惜闕譜及目世間僅此鳳與星適者又得願禧集文字
聚合憑精靈重開此本儻異日敢任嘉穀滋蝗螟摹公書
帖奉公象笑彼亭長署杜亭我當焚香日望拜公乎弭節
來雲嶼

漢延熹西嶽華山廟碑歌爲朱竹君賦

漢安元嘉與永壽東京碑字皆未磨今人獨於此碑惜謂

出中郎重摩挲或云會稽攷古誤太史郎那中郎過元常
元嘉卒史字稚圭信否圖經說箭筈門閒殿基砌嘉靖年
以蠹沙廁趙岷所以慨作跋跋與洪趙非一科誰知此跋
宛在此葉葉蠅楷如擘窠椒花舫深塵不到未展額篆先
吟哦上溯周禮職方氏下薦巡狩豐年歌霸陵新豐地特
紀袁君孫君績駢羅昭叩瞻仰女汝合鑿亨字更加切嗟
碑以鑿爲監亨爲享洪未釋者惟初分隸次仲作王蕭之志交相訶建初
熹平源測委韓詩鄭易諺則那篆與隸分遞相減初但俯
仰無撇波華山華亭記樊毅三碑皆系于光和建甯之前
建初後篆隸斟酌無偏頗銘金屈鐵六百字全文六百九十字今缺九
十七字金精白帝高嵯峨三峰萬古一元氣想見於此旋羲
娥精神融結到此本二百年前已無多雲駒雲雛二東子

墨莊樓中同手摩郭髯題曰郭香察小史遞以凍筆呵裝

池一藝成故實方于魯亦矜丸螺

趙子函跋華山王宏松嘉用方于魯墨補書

談閣又翠微閣山史筆力追隸蝌孫顧二跋不可見諸老

白髮來婆娑百年又隨江南客星虹萬丈藏煙蘿君今輕

裝南返北一本匣抵千金馱君精六書勝于郭尉律不止

言虞戈宜討本原證文字昌黎所謂如懸河亭林昔亦吉

金擬但稽職司不及他一碑可以該漢隸婁機字原較若

何

送姚姬傳郎中假歸桐城

縱觀當代述人文前輩諸公用意勤清廟明堂庀梁棟深
山大澤蓄風雲開元大厯非空貌秀水新城莫漫云君去
重編海峰集肯隨北地乞餘芬

幾宵東觀繙書手忽撥殘更嶽頂雲示我天門談蕩語如
披玉策赤青文飛揚逸氣鞭鸞鳳窈渺清齋寫典墳江畔
皖公山縱好有何巖壑可留君

新蔬輒脆帶春冰風味端宜筍蕨勝淡意回甘無物喻苦
言近辣有人憎紀侯秋夕緣詩瘦嚴子冬心抱病能又到

唐花風啟蟄桂窻雪灑讀書鐙

前年送紀心齋嚴道甫皆于魚門此齋中置酒也

同葺石魚門集丹叔侍讀齋觀所藏宋張擇端清明

上河圖真蹟卷

嗚呼政宣翰林畫題字大定明昌閱其時金已逝都汴綠
雲紅雪堆三山卻想花石運艘日笙歌闕咽干闔闔通門
漕渠兩岸接士女衽服光爛斑槐街游龍踏紫霧杏梁語
燕交朱欄萬瓦百貨筆莫述竟借蔓草離黍看梁園清明

花幾落鵲山寒食酒又殘長沙百年追世澤鈴山千鏹輸
權姦文江才子簿作記南濠題跋語可刪傳聞內臣竊肘
篋御溝藏弄力所殫或疑匿去入馮保保也手跋今尙完
向來青父踵性父不言李祁與吳寬馮後流落託誰手瘦
金簽蹟覓已難主人具眼富搜擇此物自歸天不慳晴窗
吾輩得目飫一洗平日胸迴環可作易圖翫消長又作無
逸幽風觀畫家一技乃至此嗚呼此乃真擇端

同慕堂筍河魚門伯思飯裕軒野圃兼呈南厓

遂乘曉霜氣菜如人意濃我作野圃記渺焉想前蹤結構
改面勢平揖近遠峰獨留山光縱此水際筍枯荷仍小
橋插棘展長墉四邊菊花水一於此榻供所以山桃後來
必乘晚菘

不愛春夏綠愛此秋葉黃先生看山眼炯炯浮秋光黃葉
亦何好取及菘可嘗老韭細轉青新芥辣更香蔬實飽風
露卉木闕炎涼高樹未搖落鄰畦已登場柴門客不驚烏
雀自成行了然驗物理後時獨何傷

七人來者六一歲至甫再雖抱促膝懷屢以海雨礙橋南
官河濬近漸柴門對萬泉之上游諸峯受以黛鱗鱗風漪
來動盪日光碎空際飛鳥影落我衣襟內小坐沙石旁忽
聽村犬吠始知圍廬近復資蔬畝漑半日問水源不獨觀
擷菜

嵩山漢柏圖歌

我爲莫生歌此柏此柏影忽落我窻鬱然合抱四十尺六
六峯勢來崆峒磊柯節目外臃腫峻極元氣中敦龐雷火

劈痕賸突怒風雨時吼于空腔三株一先神物化萬古對
語洪濤撞云自元封太初際受爵曾馭雲攢攢三呼之聲
與應和萬靈環揖氣爲降生年不知自何代由周上溯于
殷邦于成于宣奠河洛小共大共受駿厖青龍蒼光儻及
見其神夜或來幡幢嶽生還爲嶽藩衛森然導從千矛鏃
我望伊川瀝泉水石淙未得尋澹澹二室遺聞訪金石萬
牛力那一筆扛參摹混元叩天咫滂瀾浩浩吞瀉江目移
神駭不敢睨眞到天闕凌石砦嵩陽居士果何在俄有青
鳥飛來雙

棲霞道中示蘊山

從我負書非日歸詩情先逐曉雲飛重陽細雨遲黃菊六
代精藍冷翠微遠眺合教青眼共深談喜未素心違洞天

且莫題名姓苔蘚濛濛恐溼衣

宣城北樓歌寄蘊山

謝公高齋登望處千年遠岫開秋曙碧海青天納一窗鏡
裏雲光飛不去錦袍仙人萬古愁對酒酣歌卽此樓尙有
淋漓醉草在化作古柏騰蛟蚪懷謝亭邊鬱奇思對結批
杷軒晚翠澄江誰寫疊嶂圖北望猶傳二樓志蓉江小謝
今代才登樓縱目重徘徊宛溪響答簾前合柏視嵐陰檻
外迴爾家故事留蓬萊枕約范雲安在哉長風吹雨洗綠
苔坐呼窗月流金杯精靈呼吸儻可接爲我招揖青蓮來

四庫全書第一部繕錄告成正月廿一日奉貯于文

淵閣臣以校理與觀陳設敬歌以紀

四庫四部編摩新十年祕帙承絲綸特開高閣仿天一文

淵文源溯與津仲春上日御經幄賜茗閣下優儒臣文華
主敬相次北方池匯鑑淵寫神峇峇閣影蘊雲漢萬櫝櫛
比羅青旻去冬繕書初報葳雪晴春仲前一旬銅烏風定
下照水金卮日麗無纖塵簾卷欄迴靜如鏡籤排帛拭光
流銀琅函鑄目貯之櫝册以櫝計參差勻三萬六千括象
數二十八舍環星辰凡三萬六千册六千一百餘
部外子史經緯表裏齊衡鈞芸香寶氣近帝座四壁彝訓
敷言申義文字畫卽河洛範疇錫福于下民幾裝黃袱珍
重捧字字倫敘綱紀陳魚魯常教憶掃葉典謨豈止思書
紳臣自去冬忝再入屈指癸歲交庚辛閣旁小松昔新植
已復茂綠承溫仁冉冉紅雲傍檐宿喧喧好鳥來喧晨但
給掃除亦榮幸何況登閣紳書人徘徊直房過亭午紅牆

柳拂波粼粼

劉松年風雨歸舟圖

暗門風雨作團扇淡色江山開半面思翁一見認范寬不
敢評量同畫院院師突過張都尉紹熙格比淳熙變清波
門外賜金來妹子楊家字題徧此幀依然團扇法四山雨
急攢飛箭千帆疊鼓礮殷雷一道金蛇江劃電高峯壁立
溼空青對影濛濛煙一片舟人咫尺盼漁邨儘力篙撐撇
波漩昏黑之間竽籟聽精靈恍惚蛟鼉戰迷茫竹樹家何
處蓑笠柴荆憶如見得非寓意寫湖山未解歸杭作歸汴
秋山行旅題甲戌四秋前已歸程羨院中名噪四十年粉
侯弟子工能諫小楷鱗紋墨暈閒耿耿元精穿素練補入
杭人院畫錄墨池半晌雲濤眩漫認蕉林小印章試摸嘉

定雙絲絹

銅鼓歌題曲阜顏氏拓本

桂君昔拓顏氏鼓宋生今示秋谷詩秋谷詩蓋觀鼓作我賦拓本嗟已遲手量面徑一尺四瑇紋十匝繚繞之雷回絡索乳交暈庚庚細理砂畫錐一十二辰作陽識儼如漢鑑神衛施或云伏波或諸葛前後皆說東京遺傳聞伏波定交趾駱越聲震西南夷厥初蓋以銅易革調和燥溼均參差綴以鼉形面八角逮乎諸葛西蜀爲渡瀘而後製滋廣三川百粵沿其規諸獠諸峒以次鑄度以大小隨高卑張庭置酒集子女金釵扣應都老期官商呼吸和子母丹黃藥淬分雄雌含風吟嘯出蝸篆午陰風雨來渺瀰昔我十登南海廟殿庭縲索東西垂東者最大西次小鄭細獻

自春州馳銅鼓灘邊出者一鷓鴣斑象義父著仲春之祀
侑神樂百靈祕怪環委蛇聲聞江口二十里扶骨黃木天
風吹高涼神祠亦有此溪水夜半雲雷隨壺蘆笙與竹笛
和節歌洗廟東坡詞往還經過屢稽考手捫星宿森離離
竹垞朱老昔縮圖四金六鼓辨禮儀又聞漁洋有手記相
傳款識如鼎彝文曰伏波將軍鑄馬援時字焉得窺躑躅
廊下每忘去何暇細繪蝦蟆皮假如腹鑄果堪拓吾定凹
凸窮毫釐以冠粵東金石籍視此奚啻千倍蕪異哉漁洋
竟沿誤暑月累我汗濯澌十夫指視無一字圖經好事乃
我欺徒然寸尺志面腹併未摹搨來裝治十年篋中審古
器磊磊大小千百奇兩漢之文考所釋洪婁歐趙皆吾師
獨無鼓銘著於錄曲阜尺但摹慮虬樂圖此鼓獲何歲想

近孔壁鏘金絲諸老同時定詳說魯薛弟子辭何疑我題
欲作科斗篆配爾古綠苔花奇茫然發我南嶺夢海潮聲
定推蓬時空窗月墮大圓鏡波文海藻穿漣漪作詩以寄
顏與桂那敢秋谷相攀追

趙北口

瀛鄭之間半煙水村閭如畫接漁船記從鴻濩溪頭望詩
思濛濛三十年
嶼斷灣灣郵布碁霜空老柳照橫漪枯萍折葦蕭寥意轉
勝濃雲蘸翠時

出南康府城西門望廬山雲氣

門開星灣北郡抱沙洲面旬日風四霾晨容豁一變融融
霽氣中野曠山葱蒨我與匡廬君始以真相見兜羅冑半

腰玉簾垂一綫濛濛噓淡白吞吐青瑤片大哉膚寸澤端
可六合徧顧以晴翠光洗我連宵倦衡雲禱無私海市祈
敢炫半日竹輿上冷風有餘善

青玉峽

青玉峽口雙崖開層青倒捲作怒雷馬尾東來勢一掉蹶
起萬壑聲喧厖我初觀瀑十里外銀潢遠瀉高崔嵬到寺
亭午霽色出珠簾正挂蓮花臺雲根卻踏巨鼇背日影磨
盪神龍頰仰望珠簾不可見中益一碧如平杯高峯轉東
又轉北不知拗折從何來到此萬馬躍一鼓飛花散雪成
千堆大石礮礮剝萬古淋漓元氣非莓苔手捫星辰不敢
逼庚庚眼眩杓衡魁隔溪嘯答響山籟長風襟袖凌九垓
穿雲剔篆不能去龕沙細礫皆瓊瑰漱玉亭子大如斗想

像坡老真仙才安得急雨看龍鬪狂呼激灑千金壘

招隱橋

山僧送客忘言說水自飛流石自橫借問藥苗尋徑者定
知何處午雞鳴

鈴山堂

堂倚袁江麓勢偏青峯俯愧碧潺湲大雞韓孟聯吟好小
吏廬江樂府傳莫認故巢思孔翠試憑後學洒山川世閒
豈少藏脩者岑寂書窗二十年

南昌學宮摹刻漢石經殘字歌

石經未及洪家半尙抵吳萊籀書換龍圖晉玉雖舊聞魏
公資州餘幾段鴻都學開後三年皇義篇章未點竄正始
那誤邯鄲澹隸分先估張懷瓘黃晁援據正宜審蔡馬姓

名還可按六經七經孰淆譌一字三字精剖判邇來鄒平
與北平商書魯論珍漫漶如到講堂筵几度我昔豐碑丈
尺算表裏隸書果徵實章句異同兼綜貫洪釋篇行記聘
禮今我諸經儼陳燦春秋嚴顏詩盍毛只少義爰象與豕
書云孝子復友于鼠食黍苗三歲宦近人板本據婁機追
想饒州簡初汗鄱陽石泐五百年中郎聽遠焦桐爨豈惟
西江補典故龍光紫氣卿雲縵方今聖人崇實學六籍中
天森炳煥羣言壹稟醇乎醇如日方升且復且諸生切磋
函雅故不獨瑀琢工文翰宮牆齋廡探星宿清廟明堂列
圭瓚鳳皇一羽麟一角琪樹芝華非近翫妍經奚必古本
執樸學幸勿承師畔河海方將測原委質厚先須植根幹
越州石氏證蓬萊餘論何人續東觀摩挲小閣一紀餘甫

得南州映芹泮偏傍或裨箋傳詒參檢直到周秦漢
躡蹠凝立語學官桂露秋香手勤盥

清泉亭

小縣臨官道江流曲抱城亭依厓壁立泉似長官清
乳雪巖花沫松風石鈿聲倦游三十載爲我濯塵纒

登岱

兼旬潔蠲始夙興霽色潤徧田渠騰壺天閣路十五里已
有涼樾來杉藤盤盤磴道左右折輿夫交側疑橫肱琅如
聯吟客語笑颯颯眾谷相然膺攝心直造萬物表莽蒼但
以一氣憑對松山翠轉面面三天門壁穿層層俄看突壓
大山影不知盡是屯雲升雲與金山浩呼噲膚寸之綠皆
雲蒸半日擲雲出雲上一瞰萬里山窗凭樽桑若木出檐

際大海積氣青光承徂徠左翼作階屺萬峯引帶皆昆祊
咫尺天經界垣座於惟真宰念庶徵歲維大和兩暘若更
切育秀於黎烝是日雲光縵絕頂瑞匝齊魯環萊登昔者
周詩魯詹頌箋疏詎寫高峻嶒後來李白杜甫輩但取神
秀仙靈稱發育溫仁體峻極處處帝絳光華凝純乎生意
塞天地職司教養宜戰兢滿山松籟奏金石蔚藍細寫丹
霞澂大塊文章視人領游聖門者誰能勝

同諸友小滄浪作

種菱占半郭與人閱三庚去年亦茲日倦言鏡檻凭微我
二子孰偕鷗鷺盟襟搖半峯影槩劃疎蒲聲北來風雲
思南話江湖并中通蓮氣味靜喻山性情豈必蹇處士始
題海右亭盡得七橋勢以挈千厓青

二年四序周風雪月晨夕各有領要處獨未雨景得一角
猶斜陽千峯變水墨圓荷不受濡此響乃真碧一洗明鏡
空誰算秋影積千珠前夢悟仍是明月滴洲平文字禪收
之坐趺息歸向石帆叩相與觀定力

黃文節草書太白憶舊游詩卷

魚子箋紙追零陵墨禪輪此有髮僧石郎戎州觀落筆張
通何似李展能歌羅驛舍一覺夢竹枝三疊鶻嗚鷹摩圍
峯下寂無物幻作怪石纏枯藤平生獨立萬物表豈有跡
象侔超騰電掣颺迴攝以息陰帥陽霄夫誰徵咫尺神靈
雷雨至處處迴向真源憑錢穆父言久彌篤豐人翁賦聒
可憎華陽樓入補庵鑒彭澤園擬光祿丞吾嘗手披祝老
記精楷不比癡凍蠅爾日來觀目爲眩亦擬草勢心兢兢

折釵屋漏豈二義科斗籀篆原相承不膠於心不名技尙
恐祝老非其朋三年匡廬我夢想太白吟處雲錦層谷圍
書屋索帙忽夜夜挑盡東軒鐙瓣香私淑吾豈敢一波一
策皆矩繩西江歸來又四載晤此真面寒峻嶒石田可耕
海可釣蚪螭驂駕雲濤乘始來吾齋尋宿諾木犀香泛茶
甌蒸黃龍山中三昧出銀河飛瀑禪窗凭

禮烈親王克勒馬圖歌

天東日出大海紅五色雲挂扶桑弓樂府誰歌泄萬里天
馬真見來從東禮王昔階大貝勒屢以克捷宣膚公葉赫
烏拉萬部眾羣瞻威烈犖且雄紫雲夾日近翊衛一家合
德襄丹衷恭聞所乘克勒馬摧堅陷銳皆當衝薩爾汗山
第一戰從古無此神奇功明師一蹶遂弗振二十萬殲五

日中此馬爾時倍趨捷出入厓廉千萬重每聞鼓鼙迅歎

鬣嘶起濤瀨迴長松至今軒皇教戰處礪谷嘯舞猶呼風

時無畫者今補畫棗騮色異尾與駿國語克勒謂鬣騮馬阜青駿尾者腹

閒旋毛鱗甲動耳夾肉角筋垂虹山前人指洗創處自跑

聖水春融融此馬腹下旋毛如鱗狀或曰龍種也嘗以病

其高七尺修丈咫想像精異還爲龍長洲汪琬爲作傳傳

後系語如襄忠方召周詩無異駟徒詠修廣聯車攻曹韓

之畫杜甫引曾何偉蹟來花驄此馬得遭此際會是乃月

馭星精從紙上熊熊氣起立俄頃蹴踏凌千峯國家得天

厚元氣人物篤起天所鍾宗親有王峙楨幹王有神駿留

奇蹤譜入奎章慶隆舞陋彼六駿唐石礪詩成敢試點筆

響恐近瘦骨敲青銅

紀昀字曉嵐一字春帆別號石雲獻縣人乾隆甲戌進士改庶吉士授編修官至禮部尚書協辦大學士加太子少保諡文達有紀文達公遺集

詩話文達以學問文章早受主知乾嘉間凡大著作皆出其手校理秘書博綜羣籍才力宏富餘事爲詩不求奇詭而恢然有餘集中多華貴典贍之作中年謫戍塞外所作烏魯木齊雜詩百六十首韻節和雅無愁苦之音尤可徵其蘊涵之厚

平定回部凱歌

喧喧簫鼓凱歌音半捲紅旗入鳳林曾是軒轅親教戰霜

天曉角尙龍吟

妖星墮地響如雷風捲陰雲萬里開邊月高高天似水捷

書一夜過輪臺

秋雁連天西海頭六軍回馬唱涼州擒王破陣須臾事誰

賦金闈上翠樓

故壘茫茫大夏城
蘆茄吹作入邊聲
回頭博望浮槎地
曾是西來第一程

饒歌一路響
寒雲獵獵風生萬馬羣
行到來時曾戰地
降蕃猶認上將軍

滿耳秋風入短簫
黃榆葉落草蕭蕭
西蕃已破無征戰
只向高原試射雕

赤土山前雪打圍
桃花叱撥繡弓衣
風雲也稟天朝令
滿磧平沙靜不飛

雕鷲飛揚大將旗
提兵兩度上崦嵫
回軍卻過龜茲壘
一笑當年李靖碑

勒石燕然莫更論
且看走馬定堅昆
垂楊綠到其摩寺
甯

止春光度玉門

多少降羌逐馬蹏芙蓉闕下貢文犀蕭關候吏如相問家在條支更向西

鷲翎長箭虎紋鞞歌舞還朝拜玉階今日方知神武略書生何用議珠厓

射盡鯨鯢海不波洗兵眞看挽銀河笛中一曲平西雅誰數摩訶兜勒歌

自題秋山獨眺圖

秋山高不極盤磴入煙霧仄徑莓苔滑猿猱不敢步杖策陟巉巖披榛尋微路直上萬峯巔振衣獨四顧秋風天半來奮迅號林樹俯見豺狼蹲側聞虎豹怒立久心茫茫悄然生恐懼置身豈不高時有蹉跌慮徒倚將何依悽切悲

霜露微言如可聞
冀與孫登遇

和蒙泉秋感

一灣銀浦淡雲流
長笛簫條趙倚樓
往日情懷全似夢
頻年飄泊始知愁
風寒大澤魚龍夜
霜捲長天雕鶚秋
惆悵舊來紅葉渡
不堪重棹木蘭舟

讀小元和鶉衣子傳戲題轉韻

聲聲鶉鳩東風急
瞥眼飛紅覓不及
蝶衣粉褪碎襪襪
香魂猶抱空枝泣
斜陽芳草誰長吟
別鶴一曲傷春心
手中尺半鐵綽板
鑄成曾費千黃金
可憐破衲重重補
不是尋常春綫縷
柔情宛轉引成絲
百折千迴無處數
纏頭十萬酣春風
傾家買笑甯惟公
乞食落魄不自諱
嗟哉兀傲眞英雄
聞有丹青傳好事
吾雖未見知其意
綠慘紅愁兒女

情天高地闊風雲氣

韓桂舫秋曹出其先世洽隱園三友圖屬題

黃神符已合元女圖先獻尙留榆罔瘠方遊蚩尤亂秦隴
突鴟鳴中冀驚龍戰駭浪蕩沃焦妖星臨震旦數窮幽蘭
軒系贅靈光殿蟠井笑黃龍渡江聞白雁昞昞勢已危閭
馬權仍擅運方值百六險豈當十萬蟻穴侯王空牛角山
河換嗟哉玉馬朝悽矣銅駝歎誰知松檜林別有漁樵伴
薦早謝元長壽恥祝師憲潁水不事堯桃源剛識漢詩筒
自往還酒國時游宴四皓纔少一六逸適得半自詠田家
詩寄懷高士傳跡偶託仙佛心原游汗漫人往風已微畫
圖如覲面天外冥冥鴻落影瞥一見何人揮五絃目送煙

霄畔

十一月初一日渡黃河

馮夷排浪東南流，偃蹇不受神禹囚。雷車百萬坻北走，平
吞氣欲無徐州。千里一瀉只瞬息，盤渦十丈誰敢投。顛風
橫簸浪三尺，篙師欲渡時還休。清河渡口勢頗斂，往來南
北通咽喉。我來又值十月後，清霜已降洪濤收。官舫推蓬
望兩岸，寒波猶拍長天浮。微風纔覺掠旗腳，高浪已駭衝
船頭。龍驤萬斛如一葉，敲側掀舞不自由。眾手捩舵呼邪
許，檣烏一轉回萬牛。屈伸臂頃已十里，瞥然何止鷹離鞬。
桃花想見三月漲，瀕洞萬頃風煙浮。回颿脫手儻一失，咫
尺便入鮫宮游。區區忠信甯敢仗，所憑王命輕陽侯。回頭
卻顧真險絕，微茫淮濟非其儔。九折東瀉自太古，蕩瀟爲
患從商周。祀乙比於朕此河患之始漢唐而下日聚訟，捍禦至竟無良

籌書生每喜談水利戶祝欲代庖人謀世閒萬事須閱歷
百不一效空貽羞我今鼓枻旣得涉且呼舟子趨邗溝挑
鐙夜讀河渠志咄哉紙上談戈矛

夜泊吳江

已是銀蟾挂柳梢纜收官舫泊塘拗昏煙欲合孤城閉遠
水微明小港交寒鷺多情時近客栖烏貪睡懶離巢玲瓏
方塔猶相伴一夜風鈴盡意敲

富春至嚴陵山水甚佳

沿山無數好山迎纔出杭州眼便明兩岸濛濛空翠合琉
璃鏡裏一帆行

濃似春雲淡似煙參差綠到大江邊斜陽流水推蓬坐翠
色隨人欲上船

煙水蕭疎總畫圖若非米老定倪迂何須更說江山好破
屋荒林亦自殊

金碧湖山作隊看沙鷗卻占子陵灘武林舊事依稀記待
詔街頭賣牡丹

過嶺

大雪羃荒榛凍雲壓高樹衝寒上高嶺岡巒莽回互蒼然
暝色合四望疑無路迂曲得人蹤一綫微通步仰睇鬱嶒
峻俯窺杳煙霧隔澗見行人蠕蠕似蟻附高者木杪懸卑
者草際露前者僂而援後者聳而赴石磴滑屢顛林風吹
欲仆徒侶遞相呼十步九回顧慄然悸心魂失足愁一誤
側聞定鼎初狂童此負固桓桓李文襄轉戰寶茲處仰攻
彼尙克徐行今乃怖人生才地懸甯止恆沙數丈夫志四

方感激酬知遇仗鉞良未能叱馭吾其庶黽勉趣役夫去
去無多慮

朱筠字美叔又字竹君號笥河大興人乾隆甲戌進士

改庶吉士授編修歷官侍讀學士降編修有笥河集

詩話竹君少與弟石君齊名論者比之郊祁軾轅洎
入詞垣督學閩皖宏獎後進不遺餘力一時名士多
出其門晚居椒花吟舫問字之車日無停軌酒酣論
天下事自比李元禮范孟博雖浮湛史館未竟其才
然聲應氣求之雅石君不逮也詩初學昌谷昌黎五
言力追漢魏晚乃導匯百家變化創闢神明於規矩
之外尤愛佳山水使車所至嘗再登黃山武夷攀蘿
造巖題名觀石而後返故集中亦以登臨覽勝之作
爲多云

徐公驛

青駝二十里徐公嶺過半上嶺復下嶺驛馬中間換肩輿
不留行僕夫面已汗連坡盡荒草石田草中亂此閒山脊

乾不雨常苦旱我行吝暑雨對此轉生讚幸茲梁菽收水
絕天與灌古人稱逢年用力必無翫更從悟強恕人喜我
勿歎西北風何來推送健雙軒下嶺亦不滑高高梯前岸

半城

半城當嶺盡卓午轉村窩山勢收東國沙痕走大河田鋪
新雨足目迴捲雲多三日清江近扁舟欲放歌

天齊廟

天下喻吭背齊曰天之膺泰山地腹中出母兒初嘯長大
作宗子結蒂崑崙西後來祠東嶽廟額天齊題鄰故比琅
邪茲祀神則棲何時崇碧霞上元生羣黎又云古元女東
救軒轅迷災厄叩頭乞乞子搏沙泥此皆道士說奔走癡
耄倪幾令岱宗公舊次難攀躋燔柴則曰天升中禮青圭

感生靈威仰震帝出攝提經緯甚分明漢學人貳撰他家
反橫入陋語真無稽并談不見天誰爲撥雲翳偶來窺廟
門碑頽半節低捫碑不卒讀去去我馬嘶

駱馬湖

數掠馬陵尾右顧駱馬湖馬飲河腹滿有時吐其餘減水
壩在下出內河之梳亦如梳馬毛其行自捲舒六塘亦近
之通漕供倉儲賦艘來東南水櫃佐轉輸側聞廟堂上刻
石宏遠謨此誠關國計制用耕畜初粒粒豈易致守穀夷
吾書古人防菜色亦有非常虞運之川則利藏之倉勿疏
郭璞墓

浪飛打船頭回濺射江破我欲往金山郭璞墓邊過景純
昔賦江博麗恣頓挫爾雅與山經手注分餘唾或言鼉精

化人嘗伺其卧故老云入江下撼金山座出語山如蓮莖
小承麟大此論雖誕絕形理妙虛課葬經亦流傳青烏家
倡和何爲埋水中骨肉自投墮當時樹閒巢贈衣刑卒荷
豈獨死後骸一任付泥洹俗說戒其子反語遭弄播又云
桴載櫃旋轉如水磨直下千尺安沙湧墓一箇到今成此
山世世仙可賀異說當孰主孤嶼天偶作游仙詩或信茲
亦疑冢佐

大定橋圯舟泊其下

三日望塔尖今朝竟過塔其里四五耳風湍憚磴磴丹樓
如霞書高義天地杳不暇一歷捫茫茫風鶴雜二十里陵
口石牛雙颺蹋奔牛奔此來幾年角折拉芟涉欲何往問
石石無答石忙牛更勞俗說浪噴嗜人事類此多靜想忍

笑盍前行呂城鎮橋倒大定開秉燭柀其下夜岸喚聲而
似呼行不得崩石落眼確人生進足難寸步可許跋卽今
平穩處趨趨險頻踏橋外逆水船萬纜堆螺蛤我舟石隙
過度齧愁聲齡天明試駛溜夾送煩雙龍迴頭出自窘無
乃喪我嗒

虎邱寺

闔閭葬後十餘年越人發之但空冢至今虎邱寺法堂大
佛三尊儼然奉生時役衆人力耗金精下藏虎上壘祖龍
貪鑿更致虎銀池銅棺費太冗金玉鳧雁翔地中虛上竇
下謗詢詢忽化爲寺又千載法當枯瘦消臃腫如何吳人
風轉侈厥光如火豔錦擁萬賄畢致先廣閩百技爭陳到
偶俑空令四民閒無職秉燭來遊織疑蛹賊心盪魄夫爲

樂六月不炎走憇憇必有饑寒爲受之所好在盡吾其恐
古悃悃吏久不聞眼中靡靡茲較重九州懋遷總貨寶一
郡輸之無乃勇誰其作者誰救之縱使佛來足亦踊遷延
笑顧應眞虎惟爾不食故不竦

涿州道中

凹字城

十丈颶掀黃土坡一椽驛館晷騰梭會須顛頊城凹字漫
說軒轅戰涿阿平世駝羅早罷戍遼宋間駝羅
動成河日寒柳脫馳官道祇覺洪荒古意多在州東北細流挾活

華陽臺

城隅西北華陽臺鎮日猶吹燕國灰名馬骨存金餅擲美
人手好玉盤來苦心竟就函頭計恨事空餘生角哀易水

蕭蕭風莫渡問誰置酒罰深杯

盧植墓

扶風經學授康成別有盧君得更精弟子終能蜀國王先
生早與董公爭周身單帛仍埋骨遣掾清醪漫辱名後日
紛紛祖勗偃勗爲南祖一官未覺北方榮

酈道元宅

鄉驛剛違一日零樓桑邨近指酈亭故居尙可稽道縣地
志採酈道縣久廢酈注云酈亭絕業偏能重水經狀景妙於謝客蛤搜奇
博比竇攸蹤卧遊幾卷珍行篋過此逾思地氣靈

瀛臺和高東井韻

人言窟頭穴地來子囚厥父天擊雷誰參燕軍馮老子小
喜肩比真輿臺何時冊子亦解讀田夫牧豎教一隈孔子

同壽共誇說吟詩臺尙河閒開我行過此問往跡不見茂
樹惟枯荻絕響克死所事說徒生見臣於人才咄哉景城
何其辱一夫閱歷九主回想其進身由宦者巡官文學初
淹該薦之河東掌書記眇龍領首低以徊遂直學士卧芻
束戒體不毀美女胎羣帝崩崩我相獨宛然石戴土曰崑
事晉事漢等閒事癡頑絕倒天不蓄佛救不得皇帝救艱
喜而北斯言階世宗真龍壓是躬不諫忽諫當浮杯陛下
作得山定否其言不驗鳴知哀七十三死長樂敘謂無廉
恥歐陽哈四姓及契丹所得階勳官爵嗟榮哉子弟臣司
長夫父以國居賈何多財閒出所有賙鄉里警此土阜千
秋苔獨不堪賦君子壽南山之臺北山萊

三歸臺 東阿

半壁出東阿三歸瞻道右管實食采斯縣更舊城有臺傾
但餘碑代古莫問叟眷彼仲父烈不僅桓公友從糾嘗射
鉤及堂始脫桎初薦由鮑子卒用類犯舅沐進重再三坐
問召可否生民四鄉恆國穀二分阜制用三耕畜經邦六
職受以禮乃得懷示信在不苟柯盟怒拔劍葵會責縮酒
君雖賜一級臣敢越二守遂極九合盛用佐五霸首間有
遺書存頗爲史公取山高義惟峻地員文更糅廉恥天維
張勢陞土覘剖博與鄭僑競藝略姬公負異物委蛇識荒
說云亭叩餘憾朱楹侈微遭白水咎此亦龍服魚非比石
襲琇惜死留寺刁悔生縱朝婦雖然補石畫終是相木偶
才大風表海器小吉盈缶樂生書燕國葛公吟漢畝遙遙
名則齊落落人不朽天下如有意古來幾得手三歸傳論

語羣山此奔走晏儉不如已跼築烏能久偶過一臺下發
論千秋後

由定遠上岱山鋪宿滁之大柳樹驛

大橫山界縣東南茲山正南亦其尾妄名以岱擬東嶽撼
山之宗笑爾螳童草荒頂積潦蕨無一掬况復葢今秋
五閱月不雨著足囂塵扇長颺環滁皆山南人矜此居北
方亦太菲上上十里古禪林輿屨磨沙夫自啼禪林傍墩
日仙居石不解觸雲靄飄下哉聊舍大柳樹樹忽飄零人
去偉五代用武藝祖來擒將滁門摧巨虺水何清清山徒
高歐陽之談吁優係於今平世客偶過驛館几陳滑書斐
寒風一之日威發深夜逼人賦山鬼此閒且苦旱無衣歲
何以卒腓百卉去險卽平境則殊人子我餘得又幾館雖

不張幕與帷吾能飲乎醉樂豈

出太平上南門

溪南橫渡采虹坊三月南州春有光孤鶩平飛鴨水綠遠
林低襯菜花黃瑞麻石響遲洪氏時方命工搨姑熟帖諸刻懷哀樓虛
對謝郎小別城門略惆悵諸生一揖總難忘

柳山

隱士名全逸茲峯以姓名客從石壁出灘到柳山平草烟
叫陰切厓花香晚清今宵山水縣月望望分明

山坑

山坑新聖亭我從唐塢來衣上溼猶雨興底聲真雷人家
沿山邊青松屋上栽轉徑嶺成夾大江中間開江以雨始
大濫觴源斟杯出三天子都兩崖浸崔巍厓上短短松綠

此日乘言
卷ノ二二
三ノ
滿疑莓苔雨刷沙入江刻露松根荏生氣自黏壁養以霧
與羸此松與此石得雨結之胎孤壁下落江徑亂行客猜
盤屈厓底樹浮草掛作堆竊恐雨不休無路緣石隈

龍翻石

亂山偪孤霄急吐吞九八峯峯雨助瀑洗石如刃刮石皮
皴剝骨流刀猶自刷萬千百丈石激落聲裂砢止石裂擲
巖下石禿剃鬚石堆霞徑絕水噴風聲殺遊屐百折到欲
上難戛戛興未盡反恨膝以上厲滑懸波信自誓緣山力
失拔土人陳社子矯過獮與豹負我躍浪泗度石犯齒齧
頷下鱗三尺出自龍噢嚼試身險嬰物翻石名記札覆水
在屢抓浮生穴自窺今茲度惡風神山眼察察回頭雲外
乘攜手娛娼媿

老人峯

翻身龍翻石招我立老人辛苦饑涎過飄若神仙身老人
昔扶杖鬼竊摧爲薪鬚眉信甚偉毋乃曾避秦黃公與冉
里化石或有因不然穀城葬生死子房親我行揖翁坐欲
就往古陳白雲滃起谷忽失面目真旁一老差小徐甲從
卽貧索錢吐乙符白骨支輪困頗聞七十菴所在宅隱淪
斯翁存巋然及見古初仁黃山朝朝海松長如桑勻松乎
海隨滅石壽逾靈椿

輿自山左折行達碧雲寺

不徒而輿舍小舸人肩上山之左秋風吹草草益深崔
巍石戴土坎坳坳之土沒深草芟草如割草行果土高
土仄亂行腳十餘腳互草中跋苦尋芳菲愁糴靡強逐町

曠耐掘堞一峯纔下一峯上半趾剛平半趾頗雖喜孤松
作前導每疑碎礫其中叵我乎定志遊在斯塞翁邾知福
與禍三天都降九子陟無路吾游無不可今朝小試左股
夷何客肯爲前足裹忽焉土中出數石張牙齧人躍不墮
僧來指之過此閒高閣當空見靈瓊我遠見閣近不見喜
若捕蛇得珠顆大呼僕夫齊足力轉眼翠雲亭著我琳琅
四壁照眼讀刻劃端莊閭婀娜人來人去言空堂水後水
前送側枕卽看河邊山下路一綫岫蜒平以妥我入險來
出必易頃刻冰心息觀火眼中敬亭已落手且乞蒲團此
兀坐

尋昭亭故址

卓午登山去欲曛昭亭路外看孤雲遺民猶說葉和尙古

廟莫尋梓府君羅漢記亡貞石泐繡毬花見異僧聞隱淪
託跡知何是唳鶴饑蹠幾百羣

當塗道中

冷風幾夕野成秋不覺生塵暑暗收石馬偶驚草隴鵲水
龍閑伴豆棚牛人行江外程初穩蟲語田閒歲已道早稻
十分晚稻九驛塗莫放酒杯休

姚家門頭舟行沙中作

方舟並鷺首飛鷁深浪破行淺受敵我發石幢二十強不
鳥翬翬蟲趨趨十月之朔水歸壑兩路沙堆一道激水激
沙過沙激水下者杯斟上杯冪一折爲水一折沙越陌度
阡舟所歷陸地行舟古曰冪非陸非水今始覲姚家門頭
沙橫絕土尅水出齒蹙蹙舟窮南岸改北岸中央高沙鋪

瓠巖繞之乃達小登陴插柳何人示之的舟舟銜尾彎環
前鯉上龍門額點感前舟得去後舟來我舟近前舟舟迷
十人推舟一棹簌簌沙舟登舟陷礫六鼉戴艦那可奪雙
鯨夾檣不自適力大負而趨誰呼之蟻盜之穿難覓繫繩
曳木握沙入人試髀沒豕涉躅舟前人短後人長兩人橫
棹舟伏撻傍舟幾人舟一動舟底沙開珠玑礫大珠拋撒
如沸泉細者如煙吹羃歷舟移步步人齊聲放轉灘光列
缺劈我坐舟中亦太閒百變難艱觀以寂危灘親記閩中
奔惡峽空聞巴上擊偶然此作沙中遊飽食安過心莫怒
涼飈吹人向北行潁水舟流風惠迪沙舟不險亦不易聊
判吟成漏三滴

觀僧伽師塔書其圖記後

脫罪甯計滿船資韓詩不解吟嘍咿嘻僧伽塔如人耆披
圖讀記我心惟厥疑忽失飽喪飢師初掃龍興寺墀正殿
不支荒壇遺乞五百千師曰唯時二比丘笑而駮師曰來
汝甌江灑樓榜歷浪人挽推搨帛抱貝陸輦馘其人彪發
馬則駭師呼若剽將安齋若賄水中焚自悲兵乎在頸賄
貽伊盜駭舉施師靡遺構殿數不遺一椽已而盜敗赦獲
夷來膜拜師去仞仞師活我豫且之龜見如茵支塗麻脂
昌黎詩之送澄師師來西天竺賊陝何國何姓師耶誰賀
跋元濟乞鄰比此舍古佛棟與楣普照王像爲之尸掘碑
得像觀者咨十一面現真牟尼塔初建泗覆裡纈金色寶
相築土飾師指蟄龍懶儼儼神告列缺逐以霆驅櫺出指
裂飛髻手瓶擲裴妻盱睢卧者起趨自褰帷齒痛丐飲巨

石獅子母不藥哈噫噫有疾曰癩師賊眉維楊及柳灑之
綏沙鑼斬予水汝屍婦脰有繩口齒肌索畢侯扇波猶砥
知悔惡鬼現善姿行矣白衣人來遲五百尊者鐵胼胝出
井師代衣蝕落萬迴遭師恭且寅曰觀世音救瘡痍師心
在泗喻日葵化臭而香塔如錐頂珠光鬪龍躩踞火師不
壞眾涕洟毋令水作人鯁鯁是匹禹鎖亡支祁鎮此淮泗
留民彝以佛法度悔可追前年風絕塔冠綏唐人寫經飛
若鷗環泗兒噉惟師私破柱兀立功何不茲聞我來雨涔
贖塔汨沒水師持維我何求師禮飯既目知見師心知悞
李邕碑沈孰諷詔披裘水邊淒淒綵我思據殼食蛤蜊

贈洪稚存歸以壽其母

洪生才如矛決刺快棘藿從我我來南得子色已欣更有

黃生奇猿骨鶴之筋二生於常士兩扛龍文斤我偕犯天
都虬虎陷齟齬試身爭自誇告我歸慙慙曰余有母在登
臨省當勤生母年六十抱節鞠汝懂汝父行我書母之節
斷斷生行顯彰之有待曙欲听成就棟與桷始見泮一芹
學之博孝備理順樂且訢吾不爲卮言歌慰子請殷

登蓮花峯絕頂見雲城之異歌以記之

江南山山曰蓮華坼裂齒蒼名妄加九華華開瓣亂放餘
者一片或一了歛蓮華峯得蓮性一莖通理抽天葩黃海
中央擢秀上交合沆瀣仙杪芽我摩天都右脇過玉屏風
上行些些翻身蓮華溝裏入坎窞一脫血肉痲清風推我
石楞寸魂魄不墮喉歎致老子爾立我欲坐上蓮華嶺聊
跌脚此閒來止丈萬萬仰看峯自飛雲遮從奴健足一鼻

去顧我瞪廢如瘋癲我口語心心語足上也不能莫欲罷
平生好奇靈境卽甘心豈顧身參差崖月生霸石飄望躡
其睫去臨谿衍二分側屢倚巨石野菊豔豔媚蕖荏轉股
亂莽水溜走一推三卻崩浮沙巨石打髀折不得靈氣勃
勃騰騰車我勇初鼓洞門得肺腑示我相向誇俯身狂喜
折者再妙香心沁不敢邪三幽四曠里那記每入而出躡
擗苴必有怪松蚪守戶鱗蒼鬣鬚衝人拏亦知蓮質本空
洞藕絲斷續緣穴斜的的穿房石結蕙撐撐飛尸其葉遺
行乎無怖闖靈所洞窮壁立百丈賒五內已灰壁見趾導
者躍上爭猱獨青布兩疋結縋下挽之亡命犯石牙盤躡
天海觀歎止並厓溝夾支機查摳襟聚足風掃級前踵見
布以手抓浮生竟上蓮花坐石尖圍我中尊汗盈盈香砂

蓮氣一天風盪目彤精佳須臾上界青廓廓四周億萬環
闔闔女牆一髮壁淺碧鵝黃驚赤重重霞色有五莫辨孰
正萬雉立築三足鷓山靈借日示我影失笑脫屣忘吾家
芙蓉之城此豈是本來清絕甯忘耶左顧天都平眺往蓮
蕊采采蓮船剗諸峯出沒白雲下繞城色界天無涯前人
但說雲海異我獨遇此歎且嗟細書頂石詫好事去去百
步雲梯遐

覃溪前輩以詩附粵東金石十餘通見贈且索余安
徽所拓石本依韻奉答

歸來何事從清話酬酢陡增金石債蒲牢難跡鳧氏鏗窅
堵易讀陀羅唄

言鐘文少
幢文多也

先生示我粵東略開拓海濱出

湫隘我搜院欵萬山中旨取報與渺一介百涉錦江厓漫

滅三觀雲海天荒怪欲問唐銘泉獨溫

湯泉舊傳有唐李敬方銘徧覓不得

爲蛟所壞久矣

曾尋秦石松同拜

余庚寅過泰山訪秦碑山中人云與五大夫松同毀于己己歲

三天子視五大夫一字不著遊哉喟所賴癖嗜無空過盜

竊靈山飽蠹壤溜痕炙影辨文字不畏秋霖趁午曬府州

十走拓三百公然著錄歐洪派頗學酈碑生逐波敢比揚

書死爭芥先生欲之豈交易人弓未用論疆界竊疑鼎考

太高高博古圖中圖象蠶鄙人陋守小篆後楚宋相遭嘻

甚憊請獵北邙掃狐兔刮磨窆石慮駟獐不然夢上漢金

莖刻畫猶濡古沈澹姑妄言之妄聽之娛目當前取意快

己或暫得奇相欣好之所聚遠亦屆破空句不假海月倒

披文要符山齷方將求益愿先生切莫故人呵菜賣

九月十三日約王懷祖史文量陳梅岑何數峯及姪

玉川爲西山之遊

涼風吹蔞蔞萬片落何忍天香在其中落悲華又稷獨我
閉門觀妙理闕無盡西山翠峩峩邀客發連軫載者雙玉
人蓬髮泣雲鬢吾家亦有駒駿足絳軸朝日宜縱之遊相
索氣淒緊山中客素衣涕輟領遠引我更王生俱先後出
郊吟此遊信清絕秋意刻肝腎寒流經盧溝日色淡矚嶙
士囊一折去翠幘排鬪鬻吾徒亦何嗜塵想暫泯泯入夜
山月空心曠無一窘擁衾茅舍間寒映或聞斷

五月十四日得石君自清風店寄詩明日逆之廣甯

門外和韻持示

聞聲思爾遲榆轂隔夕濂巖路如沐得書子憩清風騎呼
羣我趁盧溝驚江南去已五年憶山右歸仍千里目固知

誓已甘菟藜未免看人苦
箠朴奉盈自料不喪七竭誠人
說能求牧天教車馬役休休
日向陔除光昱昱握手今朝
喜動眉觸緒中年痛入腹殷
勤須惜雨兼風閱歷都平笑
與哭官共還鄉且復佳老始
讀書不亦惡庭中草木君當
歌郊迓先傾一斗漉

舟泊牛頭塘與客登牛頭山飲於李花林下有作

五六石浮灘如簾舟觸石過微作聲榜歌忽泊牛頭下
牛頭寺記唐天成何年寺廢判作墩不敲鐘磬惟敲鉦五六
里前石址在水口村近詩徵程

宋程師孟詩牛頭寺裏千峯月水口村邊萬石灘則

寺在此處也

李花萬株壓舟落包裹古戍墩中盛此間老兵差

不惡中郎未似大阮呈會須廚酒數斗飲醉倒莫讓前人
名徑持壺醖上業栽輒沙試踏行吟跼幾十步折拗石齒

花叢身入甘嘗餉玉林果茁玉山上翠壁當面紛開楹敷
茵班草眾香拾一莖折得馨奇羸碧溪下浮花氣潤仰看
冰掛珞與瓔擬梅瓣小枝較媚怪雪花似天逾晴飄然片
片落杯酒花光吸口身爲輕長姬香御豈真侍青峯黃蝶
紛來偵奇山勝水處處有良游誰坐花爲城諸子名流竹
林數醉翁媿我好爾誠頽然玉餅盡轉醒茲遊樂矣人人
傾起遲日斜山出水一搦手洗波盈盈松重竹複扶去躅
他年憶此百繞縈古人有語戀魂魄江月老我誰孩嬰逢
花不飲信非達難得花境如茲清李花不言應許我永與
花致無涯情

游玉華洞用四十四有一百韻

少癖購羣書玉華洞志有詫人古洞天飛走絕跡瓜今茲

過將樂使者軒乘轎主人候紫氣止我具縞糗君姓自仙

李客主齟誤齟我樂從君游楊祠謁北阜

龜山祠在縣北門外

入城

更出城三華橋水剗舟挖其里十籐嶺一髮以會仙真拍

厓漱玉或遺鑿兩亭誰所作接引佛我誘禽舌譯客來古

記謂之屬

時聞百舌羣鳥

土人輿燭洞一扇風颭颭繡毬踏蹴鞠

弋繳難收爾霏霏傘假客仙羊初平趣旁有貓卑伏敖者

噉啣喚應真十八軀倒挂示矻矻蒼龍迸出渤爪弄角蝨

蟻巨象披毳毼四足一鼻欲側身瞰螺旋蜃螳億蝻蝨仙

房在其間牀幄繫綸綌別有小仙房嬰紉腳絆繒啣啣古

仙田潔蠲勃與洩疊畦墜陳根莠茁亦不蕪閩耕宛則之

重泉灌秬秠五龍下水戲譔舌吐腥殍錦江鯉上水涸凍

將魴鱔蓬萊翠疊疊仙人放麋麋闔爾不可測雷公面礪

喚舍之抱琴腿一寫思鬱憐鷹隼立目愁羊肚辱其馮下
垂就乳胸心惻無子犇虎瞪兒耽耽號貓小更醜伏地獅
擊鬚破石爪翻蹂何人雪深醉滴滴釀咬釀我命笑稽生
不乞石髓滌鼠巧竊殺桃仙遣狡犬守雁門雪掌落藥箱
凍乾鵝瓊樓玉宇人酌飲諸父鼻撫席或問丈長夜酣相
侑天平柱與鍼平直定地紐冰柱劉又死帽石彌明朽眼
前句敢道荔支饑手捫風吹蠟炬淚生不化先卷雪立陳
公背陳死人久久鞦韆孰翻身雪窩几孰授八人者胡集
斗魁匡隱栗千巖又萬壑障運劉侯肘幡然寶蓋懸覆此
錢鏗樞厥子拜展墓茗酒次列直美人姣珊珊白晳不槁
疔一柱天爲支崑崙銅揭摸吹吹金蝦墓靈龜飲氣壽儒
釋道三家天垂象人佑蒼蒼其視下熾哉湫乎攸達摩無

文字無江渡無咎鼓子叩則鳴承露盤瑩琇元武立若神
蠶叢石背負闕然仙人搨刻石至元手更捫宋墨書剝洞
聲鶻鶻歲乾道丁亥借僧兩勸首入穴平崎嶇千載吾開
聞爰哦普陀巖蓮花五緯凋燕燕歸其巢白玉屏瓊玖鍾
離權呂巖祕授魄鍼灸鸚鵡鸞環大小獅欲趨犀何望
而鬻玉鬮小竹颯躡躡躡躡躡躡躡躡躡躡躡躡躡躡躡
仰面猿升脩白玉蟾何嫉兜鏡仙門敞石龕上石鐘鈞廣
樂成九邨稚小磯擲鏗響殊擊缶沈吟軒轅張禮樂天地
傾仙柳下土傳漫天幕羃廖寵益儼人宅真靈此薪樵白
狸敦橋邊踱踱彌勒右布袋向我哈明月落江否毫光閃
金星十二乳一卣酌之拜觀音像胡恆作婦世間男子子
不悟中黝黝蒲桃與核桃剛柔婦用帚何處木魚響七層

樓糾蓼且拾紫芝去葫蘆門罩留投壺與登塔手足若我
揉隱隱夜欲曙一瞥火滅燭此時心墜蟬莫問卯與酉人
生夢有覺子午穴王鮪適來春水辰卻看秋月丑四更漸
五更半輪隙光受忽悟詩云菴月出歌舒優五色霧與卿
側趾無底湫升天色非元入地情無愀傲菟夜何其竚牛
鳴恐磨石像前小坐錦段蒙牝服福地我帷車淺斟此可
酒我遊名山夥石怪幻夜圍如何夜又月媒我若人圓神
仙非可學金丹徒自瘞鼎鑪更迷塗出洞原自曠奇哉竒
窳游略撫壺中鈕何當常常斯聊別謝吾友

湖坑道中

衝泥三日僕夫僵霖霖遲遲十里長圓嶺嶺呈偶剝塊方
池緣浸未分秧雨深雲在晴非碧潦甚泉翻沸若漿聞惜

機身清幾丈不陵絕頂但依牆

去汀州重過新橋

小住汀州山可觀致佳秀色亦平寬稻秧未插風縈帛松

宰剛萌煙弄丸

南人呼小松爲松宰

雪嶺石痕驚北壁

大雪嶺汀水發源經新橋

南入海汀流水勢認南湍新橋人說茲分溜直走潮陽向最

端

打鐘嶺

徑過危亭直下衝焦原側足亦能容鶴唳入夜知連樹虎
跡侵晨候打鐘厓險強祈千磴稻泉高易計十年松客行
百里斜曛薄山色貪看不厭重

出山

曾快重登黟頂客又參末席幔亭孫偶隨九曲萍荻質若

記千圍枿樹根游意凌雲前後海客軀換骨十三門人生
脫屣談何易歸去收身且蟄存

茶洋

略過危嶺入茶洋面面危灘繚短牆相亂梅花球未落石
驚龜殼蛤堪嘗奸窮怪變平知好沖澹蕭疏妙欲忘一葉
落紅飛竹轎拈來莫似靜中香

卓阮

綠溪忽折儼蓬舟鱗瓦通橋妙略收幾日砂楓辭峽裏一
巒煙竹記宣州卓阮棟子懸如鏡福院蕉陰碧過秋縈繞
何堪情緒亂莫教好景又盈眸

七星橋

迂道層雲指石門橋過七里七星存隔年灘髮青如滴傍

柯山桃紅欲噴更與試熾償往度似因躋勝認斯村武夷
小小親來別莫做精神心自捫

楓嶺出福建界

頗怯南畝戀朔空未知歧路卽西東
蚺斷灘中石璀璨砂希嶺上楓
晏歲何堪層嶂別早餐略耐幾竿風
故人躑躅炎雲外我自加裘憶爾同

宿七里灘寄石君

客意清冷歲向闌難忘過嶺碧兼丹
日嗟子季三山署可計年除七里灘
雙鯉夢中各自媚一宵江上若爲寒
謝公行處吟都索更作春來池上看

晚晴雜詩匯卷八十二終

晚晴移詩匯卷八十三目錄

王鳴盛

二十八首

王昶

二十一首

錢大昕

十二首

王又曾

二十八首

翟灝

十首

晚晴移詩匯卷八十三

徐世昌

王鳴盛字鳳喈號禮堂又號西莊嘉定人乾隆甲戌一

甲二名進士授編修歷官內閣學士兼禮部侍郎降

光祿寺卿有西泚居士集

詩話西莊長於經史所撰尚書後案十七史商榷
術編諸書皆古今不刊之作西莊爲詩少宗漢魏盛
唐在都下見錢鍾石蔣心餘輩喜宋詩往往效之
悔復操前說於明季李崧何大復李于麟王元美
陳剛子及國朝王貽上朱錫鬯之詩服膺無間論者
謂以才輔學粹然正始之音西莊爲沈文憲高第弟
子與錢竹汀王述庵惠定宇交最篤名亦相亞其詩
博雅安翔斂才就範不染牛鬼蛇神之習惜詩以李
他學所掩不甚著耳西莊嘗論文章源流謂詩以李
義山爲最將盡改生平所作效其體製已而歎曰吾
老矣恐無及案西莊之詩與義山絕不類亦猶白樂
天長慶集與西崑體大相逕庭而白公乃亦有再生
爲子之說所謂文章千古相逕庭而白公乃亦有再生
古事得失寸心知也

小孤山下作

解纜溯層波夕宿逗沙岸亭亭見孤峯獨秀中流半陽崖
倚巉巖陰岫屢回換半嶺微徑分參差更堪翫離離青松
陰厯厯白石粲樓臺相蔽虧金碧窮照爛氤氳嵐彩明杳
靄霞氣亂髣髴神靈雨東風一飄散湘妃出鼓舞漢女時
游行光景未易逢解佩徒深願悵然遲暮心重起越鄉歎

虎牙灘

前日過銅柱今晨望虎牙性命付孤舟急灘紛若麻江東
湍漸怒轟轟走鳴沙亂石森牡齒揭天虎口呀懸流觸石
轉百折飛浪花有時噴淖起水石相谿舂斗蠹一間屋盤
作千尋窪俯愁裂坤軸仰見側日車偶與齋俱入便闔龍
伯家柁師工撤捩疑竦不敢譁狎恰已出險身手良可誇

桅燈步頭艤旅鬢悲鬢飢寒真有力迫我輕三巴

金文學

啟南

招同錢編修

載

韋舍人

謙恆

謝編修

吳舍人

煩

錢贊善

大昕

家舍人

和

游萬泉莊

九十春忽半枯坐成書癡金生來喚我今日花朝期城南
足煙景斗酒聊可攜蘆塘可游釣苔磴可攀躋何苦擲心
力鑽此故紙堆拋書笑絕倒此語良復佳撩撥我狂興破
費君酒貲迢迢白紙坊漸少塵侵衣戔戔右安門出城行
長隄山水我故人數載會面稀今晨喜相見翠色浮鬢眉
雙輪簸復停殘夢醒復迷恰如擘子船搖兀翻忘疲行行
三四里道旁見殘碑感彼柏下人學仙冢纍纍稍南又一
冢長生道院基亦有仆地石模糊剩銘詞曾聞神樂觀舊
隸太常司云何列卿銜乃昇黃冠師始知明中葉秕政日

以滋回首陵谷遷剝落螭與龜惟餘濫泉聲遙和松聲哀
飲馬投一錢驅車向前陂西山疊嶂繞懸瀑跳珠璣散成
萬千眼處處波濤洞此地林壑幽洑流互逶迤或圓偃如
月或方楮如珪是萬乃強名其數孰細推昔爲鵝鴨所游
人不敢窺今茲盛亭榭縱橫插芭籬猶記祖家莊妙絕漁
洋詩莊雖數易主水木仍清暉入門乍空曠汪汪數頃池
略約繚而曲池水清且漪春雪煥乍融輕冰解流澌東風
吹綠皺蹙作鱗差差蕭寥洲漱外蘆筍生未齊白鳥來何
心翻飛雪攤樾土山遠多態岡壠分屣屣亂篠戛琅玕雜
樹紛間之登登步高下一步神一怡邃館與涼堂竒篠連
廊篠亦有卵石徑亦有罨局畦所惜來太早髡柳尙少穉
何況紫丁香朱藤黃茶蘼我儕樂閒放不在繁豔時愛此

荒寂景轉得一段奇攀枝蹋閣徧乘興尋招提像設妙莊
嚴利竿轟歲魏蒲牢吼如牛也復明代遺鑿名字天斜大
抵皆闍兒奚奴頗解事行廚咄嗟移招要入林間栲栳坐
水湄自詫酒腸寬飲若灌漏卮坐中六七公同里數辛楣
若論相識久老錢及瘦韋我兄近逃禪吳謝各不羈獨有
賢主人乃是新相知樂哉今夕會醉起爭留題試待紅藥
坼重來問豐宜

烏石灘

灘聲欲驅山山勢欲束灘水石本無情相觸因成喧悠揚
止復作泱泱還潺潺靜聽恍有會天籟非人間梵唄流寒
空風松響層巒有時急瀑來一瀉雲濤翻不知水何猛磨
得石盡圓磊磊錯鵝卵其色黃朱殷或作大篆文或作古

形韻彙言 卷之十三
二二
錦斑篙師與水鬪，舸艚泝驚湍。石滑不受篙，尺寸進轉難。
平生斂退心，葦間每延緣。好語慰篙師，且讓鄰舟先。

仙霞嶺

五里到嶺脚，十里纔嶺腰。三百六十盤，盤盤上青霄。危峯
插高空，細棧緣秋毫。前趾壓後頂，首下尻乃高。崖傾礙飛
鳥，石滑逢墮樵。登頓屢旋折，謂已窮山椒。峯迴一仰睇，絕
頂仍迢迢。振步攀其巔，目眩神爲搖。一嶺植如蓋，眾嶺羅
周遭。仄陰障羲娥，絕徑悲猿猱。不知路何從，但覺呀巖窟。
密箐叢修修，頽桐間紅蕉。飛流挂木杪，晴日舞素蛟。茅庵
嵌青壁，瞰臨萬丈坳。俯窺落深井，結構何由牢。獨立望歸
雲，天風颯颯飄。

游雞籠山

白露淨山氣，島島風吹衣。忽已躡空曲，巖下秋鴻飛。石缺響難聚，木長天下垂。入深不知外，履曠忘所歸。冥濛過蘿壁，見月還疑非。其下發鐘磬，徑轉聲依稀。無心境，屢得探奇情。靡違始悟澹泊趣，獨倚山家扉。

村舍坐雨簡鄰翁

孤村氣蕭瑟，幾日雨昏昏。野水亂侵岸，谿雲欲到門。數家依柘影，一徑積苔痕。賴有忘機客，翛然共酒尊。

三峯精舍

山徑緣遙翠，微鐘度遠岑。寺門一水曲，殿角萬松陰。花雨諸天近，曇雲古洞深。好參黃蘗義，半偈淨塵心。

重過崇壽觀贈徐羽士

籠鵝憶往事，放鶴此重來。小別三千歲，碧桃花又開。丹還

駐妙景雲冷卧香臺清淺蓬萊路麻姑日幾迴

蘆溝橋

卧虹終古枕桑乾泱泱渾河走急湍馬邑風煙通一綫大
行紫翠歷千盤喚人嗶嗶荒雞早照影蒼蒼曉色寒沙際
閒鷗應笑我又聽鈴鐸送征鞍

同沈侍郎暨三吳諸子集蔣君塔影園

江關蕭瑟意何如風雨招邀索居自昔酒人多意氣論
交名士半樵漁洞庭落木清霜候吳苑疎碁白露初後夜
河橋吟望遠含情好爲問雙魚

述感

渚清沙白偶登臺城闕秋生夕照催醉裏高歌雙鬢在愁
邊畫角數聲來側身天地長爲客抱病風塵孰愛才卻憶

故園三徑好扁舟須趁早春迴

贈尤水部

安林

回首冰霜絕塞行謫居翰墨有餘清留連風月皆忠孝揮
灑才華本性情詎止芙蓉映初日直看碧海掣長鯨一編
細把鐙前讀病眼摩抄分外明

尤水部載酒招游鄧尉探梅

谿雲林靄望中移曉起推篷面面奇閒客正宜無事飲幽
花偏愛半開時水邊煙動浮空影籬外香來露瘦枝最喜
謝公吟力健芒屨更擬續前期

夢游岱嶽歌

我志窮十嶽身佩眞形圖汶陽道上縱遠目突兀岱頂青
模糊魯酒若琥珀絲繩提玉壺解鞍卽醉倒偃卧胡姬壚

天風飄飄浮絕磴導我忽轉松蘿徑蘿徑逼高寒蒼蒼十
入盤漢策闕古字秦松瀉哀湍振衣便覺凌紫極倚劒眞
欲生飛翰穹崖濺瀑多殊狀決背已在層霄上碧霞四氣
拱星辰青帝五雲開嶠嶠嶠嶠疊疊煙青青封中雲氣縷
縷生安期一笑相逢迎如瓜之棗出啗我驂駕白鹿空中
行天門誅蕩日觀龍嵒河流挂樹海色搖空蒼煙九點望
不極合沓下見扶桑紅銀臺倒影火輪出驚回清夢仍相
失風馬雲車乍有無丹梯翠壁看明滅應劭記李斯碑平
生懷抱空好奇餐霞鍊藥不早就坐待蓬萊清淺始悔朱
顏衰風塵回首驅征鐸惟聽霜鐘殷巖壑萬里終當汗漫
游十年肯負煙霞約

任城李太白酒樓歌

任城酒樓高入雲游絲飛絮何紛紛竹谿六逸今安往斷
碣蒼苔蔽榛莽汶水東流去不同徂徠秀色空森爽紅泥
亭子赤闌干當年豪飲來盤桓沈香牡丹看不足騎鯨徑
去埋青山我向東門游登樓縱高宴魯酒白玉壺不用金
龜換醉眠衣上斑斑紅幾點春風落花片我無謫仙百首
詩與酣一斗頗似之鷓鴣之杯葡萄酸何當喚起同醉樓
頭月

雨泊江岸登天門絕頂

我從南楚浮歸舸中流浩蕩乘長風布帆高挂似飛鳥飄
翩直指天門東插江翠壁相對出遙見突兀青濛濛削成
疑是巨靈掌移置定出夸娥功須臾雲起飛雨集白頭怒
浪掀孤篷舟師相呼入浦激繫纜急傍菰蘆叢興來便攜

九節杖思縱遠目開心胸潺潺絕澗蹋亂石層層仄磴攀
枯松振衣千仞發長嘯驚起鷓鴣盤高空峻嶒兩崖勢忽
斷岷濤萬里流當中始知楚關此天險屹立一鎖洪波衝
是時陰霞散晚霽江光隱見磨青銅欲從牛渚呼謫仙更
向青山懷謝公東望石頭互虧蔽迢迢天闕排龍嵒興亡
六代付逝水人寰刺促悲安窮終當挹取玉漿飲上吸倒
影騎飛龍

江郎山

江郎秀甲東南區蒼雄奇峻清而腴藏深伏奧闕幽勝地
僻終古誰爬梳有如世外隱君子遠離朝市潛蓬廬天公
好事欲洗刷遣我拄策來追摹太末城頭斧柯爛煙嵐回
首迷三衛突星獅石並巉削登登一徑穿篔簹俄瞻佛羸

帝青現蒼茫翠靄侵衣裾翔鵑舞鳳羽翮奮渴鼈怒鯨鬚
鬣俱岡巒橫側各妍妙金光黛色齊紛敷就中一峯勢更
斗積鐵壁立愁猿狙凌空跋起五千仞旁無依倚孤雲孤
須臾擘開兩丫髻雲風對起雙吹噓峯迴路轉態又變分
作錨腳交撐扶詭怪恍惚不可狀看來面面形模殊尖如
劍鋸出稜角屹如筆架攢空虛如翹瑤簪卓玉笏如插碧
筍抽犀株如擎金盤露指掌如排翠蓋翻芙蕖羅浮風雨
乍離合荆巫十二相縈紆池陽九華疊跗萼匡廬五老軒
眉鬚域中異境數不盡瑰瑋變幻茲不輸山坳小憩靈石
廟斷砌翳蒼飛颺颺端然像設多好相雲璫霞佩衣五銖
傳聞江家三兄弟于此鍊魄同跏趺功成堅苦化三石乘
風御氣三茅如只今空濛煙霧窟瓊臺璇館仙所都雲中

招手一回顧似叟非叟
姝非姝參差伯仲肩背接左提右挈
山澤靡古苔斜冑綴纓珞
毒藤亂結垂珊瑚陽坡叢筠間
秀木清飈徐送吹笙竽
瀑泉幽澗瀉盤石濺落匹練跳
千珠墓頤決決灌村疇
竹篔簹島通香廚人家寂歷散高
下架巖構壑勤耕耨
日汲玉泓餐蛾綠所恨生長不讀書
我謂如許正不俗免教凡語名山汗
把茅蓋頂會有日谷
可以退谿可愚仙壇閒把落花掃
不知仙翁許我無

游白雀寺登弁山

吳興清遠富山水昔游所到惟城南
平生賦命縱窮薄尙愛秀嶂搜名藍
清君入手又蒼弁志在盡取夫何貪
凌晨出郭路詰曲古松喬立泉成澱
丹梯翠磴寺門內入寺始得尋峯
尖聖師談經雀繞座千年大厦仍
耽耽香廚竹篔

引遠水金函藤笈開圓龕居僧栽田免話墮久廢椎拂無人拈參禪未能且選勝振衣步步凌嶄巖望湖亭子一放眼具區萬頃寒磨奩茲山形模肖冠弁峯少斗削多包含竹光照地作紺碧禽語喚客何詰誦一峯突如乃弁頂躡嶠徑上攀雲嵐泠泠御風洵可樂盡洗芥蒂胸無嫌側聞黃龍洞奇絕道遠未得窮幽探何當裹糧住一月還乞佳處留團庵黃精有力掃白髮芒屨便擬攜長鑊

江灣舟宿

窮陰不覺暝遠岸繫輕舟雁影霜天月蘆花海氣秋鐙殘搔短鬢酒盡攬征裘欲問蘄王迹寒潮咽暮流

小市

小市黃茅店孤村白板橋停驂成一宿客思最無聊易酒

偏難醉燕歌漫獨謠故園梅蕊發歸夢入今宵

天門

白浪天門斷千崖杳莫攀登艫一長嘯遙見謝公山我欲
浮洲去行吟楚澤間今宵對明月把酒慰離顏

秋感

江近涼風早樓高野色閒秋聲先在樹雲氣不歸山雄劍
封塵匣新霜點鬢斑蕭晨感淒緊獨坐憶鄉關

夷陵遠望

古戍標荆塞危城見蜀津雲移三峽暮江接百蠻春行役
何時已音書總未眞登樓欲有賦感激獨傷神

春盡日送同年平太史

聖臺歸浙東

周南滯迹久同稽把酒津亭忽唱驪醉裏人將春竝去望

中天共水相齊禹陵洞穴仙官守越國山川謝客迷鑑曲
敢言煩特賜鄉園隨處得攀躋

秋風引

秋風一何怒吹折江頭樹寒衣猶未成風莫向耶處

清樾館

竹色如我閒松風與人語山靄入空簾流雲自飛去

西湖葛嶺有嘲

忙裏能閒號半閒相公胸次本來寬襄樊失守成何事不
抵秋蟲勝負看

王昶字德甫號蘭泉青浦人乾隆甲戌進士丁丑南巡
召試賜內閣中書官至刑部侍郎有春融堂集

詩話蘭泉博學善屬文詩兼宗杜韓蘇陸不名一家
早年從沈文憲游與王鳳喈吳企晉錢曉徵趙升之

曹來殷黃芳亭稱吳中七子名傳海外在京與朱笥
河互主騷壇有南王北朱之目洪北江評其詩如盛
服趨朝自矜風度所至提倡風雅執經載酒戶外屢
滿嘗從征大小金川磨盾鼻治軍書不廢吟詠前後
九載乃還所過名山大川皆足開拓心胸故多恢博
雄奇之作致仕家居凡十二年富金石書籍所著各
書流傳最廣者爲金石萃編
湖海詩傳幾於家置一編

晚登崑山過泗州塔院訪二陸讀書臺

撫序屬蕭森絨情慕婉變迢迢谷水陽嘯侶愜微眷塔院
蹟未湮書臺勝堪玩永懷南國紀似媿東曹掾成都誤因
依壯武枉論薦遂蒙酪奴譏終軫鶴唳歎榻來奠葺羹蘭
植信幽贊徘徊弔古餘畢景下叢灌從知才患多庶幾性
能繕

雨後同斗初企晉來殷過支硎山寺

杳杳白雲合空山欲暮天青松滴疎雨碧澗響寒泉風度

竹房磬鐙明茅舍煙愛看林際月流影照溪田

同門人楊星標

懷棟

吳廷韓

玉綸

游佛峪

斗柄在戌寒始威荒郊草木萋以腴騰騰曉日明晴暉相
於二子馳驟駢鑿天山色橫翠微鳥道詰屈人迹希路旁
栝柏莽十圍山鳥驚覺鳴且飛閉然野寺開雙扉青紅古
佛長而頽畫壁荒怪無是非山僧迎客病已痲香積索寞
纏蚺蟻瓦盆麤聊充飢寺後奔瀑懸珠璣迎霜野卉猶
芳菲古碣突兀依林霏字畫齷缺餘如穉新碑笏立森崔
巍厥辭怪偉無刺譏碑文廷韓所作落葉颯沓飄秋衣游興頗極
振策歸嗟哉勝地空依稀安得卜築來耕機

別趙上舍易叔

大經

三年別鶴不勝情又賦分襟百感生花落湖橋同載酒春

陰官閣坐聞箏煙波歸權吳淞遠梧竹殘宵楚雨清他日
京華相見處對牀敲枕話蕪城

時易叔將入都

湖中晚歸簡齊侍郎次風

召南

杭編修大宗

世駿

杳杳昏鐘隔浦清夕陽欲下斷霞明鳥歸疎柳禪燈上人
散迴塘釣艇橫雲樹蕭疎藏野寺煙波迢遞繞江城習池
不共山公賞獨對寒流待月生

自大勇溪至清浪灘長四十里上有馬伏波祠

天公欲遊戲駭此遠行客截彼浮雲根擲爲撻水石高者
矗尋餘倭髻亦數尺大或徑連畝小乃展片席摺疊類衣
裾剡銳等圭壁行次別堂斧合離成蜀嶧統統三門開浩
浩九達關橫磨十萬劒一一與水敵水跌忽成窪急起復
相射幻師作幻技信手妙搏埴持以恐詩魂且洗見聞窄

毛髮森欲寒扣舷三歎息

歎息尙未終入眼益奇變洶洶清浪灘灘闊勢轉悍水急
風旋生廿里激雷徧寸步須千篙十夫助一緯浪花併怒
飛直前搏人面側聞馬伏波於此下蠻甸至今古祠留時
有行客薦將軍西川豪氣冠雲臺彥中興效馳驅垂老歷
轉戰如何薏苡讒千古共悲歎英靈儻未徂乘此洩憤懣
我亦從軍人嗚呼淚如霰

驛旁梅花

蠻村臘尾東風早雪後溪山未枯槁石橋西畔見寒梅數
樹扶疏向蒼昊嵐深已覺暗香滋石瘦還憐春蓓小細雨
如珠有淚垂溼雲似夢無人曉未逢晴旭趁黃蜂半帶朝
霏曉翠鳥先生京國打包來直泝湘沅擷芳草舉頭蒼翠

亂楠楮放腳青黃蔓蘿蒿邂逅何緣對
倭人忽指病眼開
幽抱吳趨春信想銅坑斗轉參橫水雲渺
畫舫籃輿日日
停香林酒舍重重繞都城九九尙銷寒
唐花壓擔橫枝島
粉苧參差照碧瓷銀鐙迴合傾清醪
兩地淒涼正憶君移
根豈意來蠻獠仙衣零落枳離間
丰格依然出塵表肯依
池館鬪穠花自向溪泉甘窈窕
橫遂誰知怨寂寥簪巾我
亦慚衰老停輿欲去更咨嗟
漫興新詩慰悽悄

經高黎貢山

蒙氏時封是山爲南嶽上有磨盤嶺卽李定國抗王師處嶺之上名五十三參

最

高者爲分水嶺南流入龍江北流入瀾江明王

穢討麓川侯璉由大侯川與大軍會皆取道於此

疾雷隱赫南山陞猛雨曉霽收層霏舍輿振策不憚疲
欲與僮僕同艱危舉頭巒影高屣屣如蛇之路山腰敲旁伏
猩狒兼貓狸夔魍來往行人稀邇者吏卒初修治稍關榛

莽刪菑翳天梯石棧通賊陝三尺一級倂累某駿馬行此
旋倭遲十步五步鳴酸嘶萬千老樹擁幢麾腔枵腹裂攢
秋落倒者卧地僵尻脰其根絡石縈縷絲蜜香花發香蕨
黧貼雪一捻紅胭脂下叢密竹筴筴甘蕉葉大枰欄肥
蒼藤翠蔦纏柯枝十里不見行天曦但聞颯沓吹寒颼蠻
雲潑墨春淋漓猿公什伯相邀嬉嘯羣連臂聲嚙啣呼煙
山鷓兼子規雜以怪鳥噫吁嘻酸蟹如雨喧迴礪聽此忽
覺哀纏脾雪山天際橫長眉爛漫眾皴兒童隨熨人三兩
同蒙俱杉皮作屋圍槿籬茲山蒙段昔所私封比吳岳金
天儀升柴瘞玉求蕃釐靈祀蕪沒迷荒基束鹿尙書熊虎
姿澤州於此偕驅馳磨盤之嶺千雲遠曾聞蟻賊塵雄師
至今殺氣橫禮鐫層巔澆水分兩歧南龍北潞殊派支五

十三參孰諷咨艱難詰曲頗似之南詢我已窮坤維德雲
慈氏真導師河山久識皆心爲大荒南經奚以悲獨惜此
區劃怒夷蒲蠻蒲卡自古遺坐致瑋麗無人知九州之外
良幽奇愧無巨筆磨天麾盤旋漸下龍江湄又見雪浪翻
蛟螭

疊水河瀑布

玉龍奮迅空山裂箭激長洪走凹凸終古恆疑香海翻懸
空直恐銀河竭不雨頻馳晴日雷未寒先灑炎天雪建瓴
卻藉墜形高鼓橐無虞元氣泄齷齪崩崖豁百尋沖瀨急
瀑迴三疊大盈江派此其源下注檳榔快劍映我居夷裔
正蕭寥欲出闔閩溯奇譎斜抱城根帶玦環初濺石齒鳴
簞篔從風蕩濛散雲煙綠嶂奔騰挂虹蜺儻逢畫手有吳

生持較嘉陵豈見劣危亭小立聽喧厖獨剝落衣讀殘碣
餘姚太守真好事手闢榛蕪斫槎蘖豐城老將亦名流亭建
於知府嚴時泰參將鄧子龍復更飾香茆做檀棗坐使潔
增拓之嚴餘姚人鄧豐城人湍傍屋行響入櫻楠尙蕭屑十年流水不聞聲安得跌跚
證禪悅深礪懸知蘊怪靈蠻區應爲湔歆熱濃陰如更沛
長霖走馬重來看奔決

過昭陽湖

長隄老柳作花飛人在湖船試袷衣夜雨平添三尺水釣
師正喜鰕魚肥

湖山重疊淡於煙斜掩篷窗自在眠風外誰驚清夢斷數
聲漁唱夕陽天

鬢絲蘆葉綠茸茸蟹斲鵝闌幾曲通未到故鄉先一笑分

明清景似吳淞

就莊爲座主陳文勤公別業感賦

憑欄徙倚日將斜
蝨壁苔扉百感賒
疎柳千行空蘸水
殘

梅數樹偶餘花
湖山一路詩人境
竹樹三朝宰相家
文簡公亦

居此搔首長安車
廢地輒紅何處問
隄沙
予成進士謁文勤公于裘家街邸第

今已易數主矣

潼關

鶉首星芒照九垓
規模百二自秦開
關山蒼莽爭天險
文武飛騰出將才
日暝旌旗橫戍邏
雲連城堞抱烽臺
登高立馬休憑弔
看取三峯翠色來

建昭雁足鐙

雁足鐙一形模奇
槃徑三寸高倍之
厥底暨側鐫文辭
曰

漢建昭三年遺省中考工工輔爲右丞宮令職所治嗇夫
護建咸其司博福光相名次垂迄陽朔歲星十朞陽平繼
封菁土貽後廚祕置嚴屏幃長安好時同遺規三斤八兩
區毫釐勒字母乃鑿金錐年深世遠罕缺虧蠟茶之色兼
瓜皮名類食器實則違大羹非可調芳滋想當禁籞更
遲宦官謁者相提攜然以朱火沃以脂金釭銜壁明彤闈
酣歌恆舞千蛾眉擁髻詎照長門悲渭陵多藝幾文思洞
簫琴瑟工娛嬉掖庭待詔歸荒陲新室文母本翠嫵絳緣
諸子意稍怡丙殿甲觀森逶迤畫堂幸毓天人姿外家恩
澤數不貲十侯五將雄宗支將軍司馬尤崔巍當時賜出
羣愕貽黃霧四塞遮炎曦豈願星芾昭乾維稽古治氏精
鑪錘攻金尙象侔工倕取諸鳥獸靡弗宜殿名鳳皇繪參

差觀號鳩鵲圖屣屣虎圈鹿館兼龍池飛廉屬玉縈翠恩
茲仿陽鳥凌秋颺乃寫一足如靈夔雪爪宛作鱗之而蹠
屬相著愁翻飛獨渺翁雜增光輝當年雕刻誠何其射鴻
臺燼蕪餘基或留蹤迹存依稀或因屬國老牧羝端藉帛
書聳蠻夷抑時水患方渺瀰取象中澤多瘡痍昔賢寓意
深然疑上林榮宮恐已隳首山蒲阪渺莫追甘泉林華見
亦希今幸獲此珍珣琪往客紅橋歲指寅玲瓏仙館花初
穠賓從動色來掄攄定審一盃熒熒暉樊榭傑句人交推
痛飲竟倒千留犁廿年如夢欣重持生平嗜古懷軒羲王
子飢鼎高奴嘉伯萋頽盤季姬區木父已自單從舜饗餐
花甌蟬紋卮法物淪落艱尋窺西京古製良足私書法矧
復參高斯六十一字陳珠璣似篆似隸盤蛟螭斑斑古質

無邪敬李菊丁緩何能幾望古遙集生嗟咨九篇墨藩爭
淋漓振三星巖少山晉齋誦芬贊山伯扶金蘂齋升淵先有作繼聲援筆成此詞一物
差可覘興衰鼉聲紫色火德移甯憶朱雁登歌時

觀魏大饗受禪二碑

貔貅十萬揚旌旄老狐乳贅爭咆哮諸袁已盡奉先滅赤
伏潛易當塗高烏林一炬久逃鼠孝廉聲勢臨江皋許昌
距吳數百里江淮汝漢縈南條阿瞞築宮具深意削柿便
擬凌風濤三臺歌舞尙未竟九首鬼伯潛相邀子桓繼起
更狡鷲竟能禪讓依唐堯分香賣履言未冷鼉聲紫色心
尤驕相國將軍官四十劔佩躡濟從誼叟乃陳降祥珍瑞
集再記款塞呼韓朝方當寢苦枕函日袞冕黼黻山龍昭
圍場千步壇九尺拜奠璽冊陳南郊無君無父意自得大

書深刻垂瓊瑤仲謀奉表亦豚犬龜象作貢供臣寮公閭
剗刀入南闕黃初四世如風颺蜀吳尙在魏垂滅唯餘碑
碣猶岿巋吾見此文亦已久揭來親讀披蓬蒿三十二行
行款正加以隸體無殘凋鍾繇梁鵠字莫辯華歆賈詡名
難淆比於禱祝可垂戒何待後世相訾警廢宮久作山陽
廟靈旗石馬還蕭騷

大文殊寺

五嶽泰華衡恆嵩出雲降雨參神功此外靈區表絕勝菩
提娑樹伴天宮普陀獨鎮巨澗中峨眉雞足西南雄妙吉
祥居道場啟若非天眼焉能窮縈青繚白千萬疊須彌鷲
嶺遙相通風沙萬里截紫塞冰雪三伏浮蒼穹十方三界
來聽法龍王鬼伯相隨從煙霄朝現應真像刀仗夜伏修

羅凶鯨鐘鼉鼓互震吼獅林鹿苑殷虛空窅堵波高颺鈴
鐸睽羅那廠開荒叢望海峯巒更奇偉歸墟赴壑連鴻濛
涸沙淨眾得未有梵唄響答千巖松憶自摩騰入中夏曇
鸞靈辨追前蹤長者雨花撰合論導師海墨分禪宗彌天
竝盡未來際一切攝授歸圓融生平夢遊安得至何幸萬
騎隨飛龍登山入寺首瞻仰已覺壯麗非人工猶獅狂象
悉調御華嚴樓閣森重重嚴寒漸退春意足慈雲慧日交
瞳矐南臺中臺次第到水田萬指咸趨風黃衣紅帽亦密
教大寶所授薰修同山鐙夜炬聞可見願乞加被昭顛蒙

蔣紹初招集拙政園次趙雲松韻

澹雲微雨卷樓臺三逕琴樽傍水開花木百年猶似舊江
湖二鳥恰同來

時雲松從
蘭陵至

討春尙有香車集授簡欣看玉

樹才謂于野弟兄

更喜嘉禾詩畫客北窗踈脚共徘徊嘉興吳竹虛履

能詩畫亦寓是圖

早春

朔風初定雪初晴遙見春暉上檻明三尺遊魚冰下見一行歸雁柳梢橫香爐茶鉢隨宜置茸帽筇枝稱意行已是上元鐙節過市樓猶聽夜吹笙

聞稚存譴伊犁

胸中五嶽本難消醉後狂言荷聖朝東坡句對簿已蒙寬一

死投荒何恨竄三苗老泉諫術終須讀湘浦羈魂不待招取次金雞竿下信陽關風雪返征軺

錢大昕字曉徵一字辛楣號竹汀嘉定人乾隆甲戌進士改庶吉士授編修歷官少詹事有潛研堂集

洪稚存曰錢少詹詩如漢儒傳經酷守師法

詩話竹汀詩溯源漢魏出入唐宋春容淵雅蔚爲大宗晚年優游林下得意成詠性情之蕭曠議論之確覈較少壯時又過之論者謂其詩格在伯太傅劉賓客之間

讀出歌

紅豆向春種黃蘗向春生薄霧隱三星有心不分明
朝憶復暮憶憐歡還念歡夜雨沒牛跡蹏痕無日乾

宜興道中

連村薑蔗足安居罨畫谿光畫不如兩岸綠陰微雨後半
簾花韻試茶初遙山疊髻晴鋪絮隔浦鳴榔夜打魚陽羨
買田曾有約沈吟此地十年餘

九日同潘璜谿凌叔子張策時王蘭成作

木落雁南下天涯各滯淫百年多病客九日故鄉心風度

高樓笛寒生別浦碁西山爽氣在無計一登臨

正月二日夜雪用東坡聚星堂韻

茶爐半槍始展葉夜窗手點浮綠雪開門密霰已滿庭狂
呼失喜冠纓絕軒轅忍寒肩輒聳柴桑習懶腰愁折松枝
插戶歷漸低鐙影搖空暗欲滅生涯碌碌風輪轉歲月堂
堂電光掣頻浮蘆北柏子樽苦憶江南梅花纈停雲遠道
空滯留歸夢殘更付騷屑詰朝初旭雪半消似有仍無只
一瞥空中色相定何著文殊師利猶多說便須參訪不二
門願我舌根鈍于鐵

時有扈從
五臺之命

石湖

激灩紅亭射曉霞波光百頃渺無涯居民種芰分湖面小
艇叉魚踏浪花遠浦風煙通震澤上方鐘磬出楞伽田園

襍事皆詩料曾是當年參政家

姚少師祠

灑灑泉流檻外分披緇入定戒香熏空登北郭詩人社難
上西山老佛墳好殺共知和尚誤著書賴有故交焚依然
病虎形容在曾否聲名直半文

少師自贊畫像云這箇禿
齋或無仁問名垂千古不

直半文

得李南澗書知于廣州相待卻寄

不見李生今五年南行萬里一欣然新詩想得江山助名
士仍兼政事傳憶舊多通烹鯉字養廉半付刻書錢藥洲
計日同吟嘯窺鏡慚予異髮宣

石梁

突兀虛空兩翠屏長虹接入青冥一條銀漢杯中瀉九

奏鈞天檻外聽珠落玉盤皆照乘龍歸金洞挾奔霆應眞
飛錫重來到不見曇花舊日亭

題王秋陸明府龍門攬古圖卷

緱氏有僊令家世出子喬詩名鮑謝伍政續邱何高山水
耽奇癖金石敦素交嵩嶽兩室峙伊闕百仞標北顧探王
屋西行窮二峭昔賢登覽地往往回鞭梢龍門況不遠紫
翠如相招嗜古黃叔度小松千里來游翱廿載車笠舊合并
倏今朝折簡迂儒衡武虛谷聯騎崇山椒秋高石骨露葉脫

風刁刁深洞穿地肺孤亭聳巖腰奇絕丈八像鐫鑿齊隋
朝字體襍隸楷筆蹤辨分豪歐趙所未錄一一歸甌包石
丈儻解語邂逅慶所遭茲圖洵可傳潑墨裛生綃郵筒忽
遠寄快若背癢搔安得生六翮相隨陟岩堯

歸安道中

小艇低于屋乘風任簸軒波平知雨足日出覺春暄兌酒
三家店柔桑十畝圍一峯青似繖無佛欲稱尊

和唐陶山明府修復唐伯虎墓

淵明神游桃花源六如身住桃花塢不是人間第一流難
與桃花論賓主對花須把酒對酒宜賦詩詩畫遊戲耳工
拙我不知大兒漢曼倩小兒唐青蓮尸解非所好怕作懵
懂僊前身桃花見花喜故應埋骨桃花裏三春紅雨落紛
紛唯有此桃花不死前中丞宋公後明府封植區區三尺
土異代堪聯僑札交當時恥與絳灌伍明府來自桃花源
華胄遙遙本同祖出處雖殊興趣同唱和壘簾吾與汝歌
新詩醅清醕僊不能言花應語

王又曾字受銘號穀原秀水人乾隆甲戌進士官刑部

主事有丁辛老屋集

畢秋帆口君才本大而約之以歸於切實氣最盛而
斂之以底于和平削膚廓而見性情汰塵腐而存警
策于漢魏六朝及唐宋諸家外莫能及焉至于取材
家而世之貌為李杜韓蘇者卒莫能及發此又君之所
獨到而亦不經見用意于前人所未及及發此又君之所
下極為陳文勤汪文端稱許為比後觀政禮部又當得
上第既入三甲猶以朱檢討為律例非素習且病遂
王儀曹稱之至補刑部主事以律例非素習且病遂
乞假歸性善飲談笑風生神情蕭灑賦詩闕酒凡十
餘年而卒休甯曹農部自盜選刻其詩子復再刻之
皆不及十之四五其全集六百餘番子曾點定今向
存其
家
詩話穀原與錢擇石侍郎同里稱詩博大沈靜各成
家數嘗語侍郎子百泉編修曰我詩適興而已詩家
精深華妙森嚴栗之未佳處往往在是其自道
手拈得頽唐中見風致古人佳處往往在是其自道
如此今集為其子復所刻即出侍郎選定觀其詩境
所謂精深華妙森嚴栗之未佳處往往在是其自道

見風致不過其一體未可執此謂盡其妙也悟門詩
話舉其佳句云畫橋脫板低新漲酒旆懸風戀舊題
啼徧鷓鴣煙翠合唱來欵乃月波昏橋外錫簾寒食
路柳邊籬鼓酒船窗皆爲時傳誦今多不見集中足
知侍郎持
擇之嚴矣

重入剡感作

仲春風漸柔吹縞半篙綠窈窕剡口嵐新翠點腰腹林樾
互蔽虧碕岸屢迴復飽拽數幅颿婀娜擺風竹塔明雉堞
圍灘迴鷺濤蹙墟煙升爲雲晶晶蕩晴麓首延足所經目
翫心向熟昔懽無今留舊夢有新續青山已幾霜我面何
由玉蕭散緬鼓琴惆悵戴公屋

度盤山嶺望雁宕諸峯雨止大荆旅店

此邦南戒盡山勢驅入海岫強屹元氣雕剗出眞宰焉下
嶺刺天接眼益嶮巖郭郭所包絡望若披重鎧攢攢百青

蓮朵朵吐蓓蕾春空媚雲物醞藉固有在應知太古前猶
未混沌改卒見無急驚山靈詎相給詰朝果此游須鼓腳
力倍姑去夢煙村稍伺雨聲息

微雨入雁山觀老僧巖憩石梁洞

洩雲蒙晨曦瓦溜止猶滴勇拖綠玉枝逸與精靈覲林轉
藏小天谷幽露很壁萬葉競春萌帶雨綠淅淅闐然老蕊
芴山骨幾時剔高蘿緝袈裝黝碧光鼎鬲危梯聳高簷陰
洞發深窳巨石勢砉分倚穹仰可惕厂屋中堂隍牢構底
同巖坐挹新乳花圻裹自煎喫模糊山下村溼煙空羃歷
踰謝公嶺折入東內谷登羅漢洞下飯於靈峯寺

靈峯銳而富我聞昔人云峯峯會於寺寺以靈峯聞踰嶺
裁半里眼耳青煙溫盥漱石上淥捧嚙石上雲磴棧力干

級飛泉寒紛紛雙掌外無縫旋踏掌上紋道人昔高唱陰
壁靈靈文空山誰狡獪刻劃雙錦帟窅窅入琳宇春蔬嚼
奇芬佛面有衰旺壞瓦黏斜曛空亭合要眇意愜情彌欣
孤鳳雙兩翩翛然振雞羣芝花嫩可掇雙尊當我分長嘯
發天籟招手雲中君

曉度馬鞍嶺曲折行澗道中從剪刀峯下入觀大龍
湫還憩龍湫菴

一啜道場羹鏘佩披鶴氅穿徑雲共飛躋險鳥同上東西
並谷幽高下一泉響泉響方愈寂谷幽漸生朗溼煙信黏
屨穹翠歛盈掌微聆鸞鳳肅遠窺壺嶠廣折入最深處高
挂五百丈近遠無定姿變幻非一象直下坡注馬散迸谿
翻槩勻圓鮫人珠熨帖織女紡蟬聯儼垂旒雀躍恍過顛

斜滾等拋毬橫鋪類撒網或爲風所遏欲俯旋還仰或爲石所觸始直中迺枉或疾若雷轟或細若鳥吭絲瑄洞庭張鼓鐘太廟饗頭寒不敢逼日暈難屢仿兌說萬派歸坎習一潭養虧盈河漢準消息混沌想廬山亮斯遜天台詎能兩凌流餌碧花跂石攬宿莽任運獲貞觀洗心韞靈賞聊茲李白游未可詎那往愴彼留衣人置身猶土壤

遊寶光寺城南最幽勝處也

岡路威遲萬竹深斜陽還信蹇驢尋消磨老雪憑山氣護惜眞芳見佛心金磬不敲花不語蒲團孤坐鳥孤吟果林貝葉俱塵劫借汝茶盃洗客襟

五日獨遊道場山卻簡穀函

曉榜夾山養蒲岸深吠蛤未傳林際磬早涌船頭塔螺髻

翳輕紗雲日遞吐納泥巷耕犂卧秧扉蠶婦闔升麓苔磴
紆到寺風泉雜山門盡勝概曷用眾峯踏苦茗僧自供清
言竹爲答榴朵豔道場蕭然悅塵榻意行恆靜便惜不吾
友拉惟吟坡老詩罄我三升榼

中秋夜半乘醉登華蓋山弄月作歌戲效李五峯

太玉仙人騎白鹿手扶天風上雲麓青瑠璃界白玉盤貼
在天心十分足九點蒼煙溼不收一盃海水清堪掬醉揩
雙眼視乾坤冷伴姮娥寫幽獨桂華泣露黃叢叢香濃夢
遙秋滿空踏翻片雲躡天路瞬息徑到蓬萊宮蓬萊宮滄
海東上有芝田年屢豐仙家耕作鞭蒼龍食之不死顏常
童曷爲復歸塵網中三生石上含眞子涼影瀟瀟清在水
一片江山入夢深誰來共喻無言旨鞭鸞答鳳不可求雞

栖鶴籠愁復愁山高月明聊以祛繁憂搗霜元兔何時輟
橫笛蒼涼怨玉蚪

題查梧桐京口渡江圖

通潞河頭船未發歸夢先落江之東采莼斫鱸百不省惟
念起居堂上翁長安秋老逼重九青女豔發籬邊叢兩涯
水落木葉脫張帆對飲秋瓊瓏京江去家十舍近寸心直
寄冥冥鴻行纏布襪且姑去肯戀十丈東華紅丈夫立身
有本末不在出處分窮通掇拾科第點郎署盛年得此亦
已豐銜恩詎無駑馬戀反哺要是童烏工喜聞臺老逾八
十健強我汝家翁同由來家世出忠孝豈有宦達方英雄
捧檄依然毛義屈著書奚礙虞卿窮君家舊業東海曲流
匙香稻烹園菘官衣恰作萊子服孺慕未輸江夏童仙舟

幸得附李郭急裝請假情恩恩一官轉令雞黍缺四載始
果南歸篷大癡落墨迴天際佳詩寵餞叨羣公金焦瞥眼
請休矣目極霜後南河楓長江之水空復空津吏打鼓聲
鑿鑿翦江一笑趨庭亟與子破浪乘長風

馬嶰谷半查兄弟招同程風沂午橋閱玉井陳竹町
金櫻亭集行菴同題東坡海外石刻像用集中贈
寫真何充秀才韻

春夢無痕隨露電精誠裂石同強箭謫來東海殊蕭然冷
若飢鶴投空山邦人刻像紀公德緬想風流元祐間飽飯
和詩妙齊物雪泥指爪何形迹秀才寫貌太清寒此老胸
中仍大適蒼茫獨立冰雪容歸心片月峨嵋中辨香徑下
涪翁拜笠屐無煩更畫公

琴鶴樓

壬戌夏偶園之官高安邀家仲兄暨余偕往
冰壑追餞於西湖是日重五同醉茲樓觀競
渡丙子五月重游豫章來經湖上花柳依然而三
人者化爲異物久矣斐哀墟醉愴然隕涕賦此以
志

湖上青山太不情，年年冷笑行人行。寺門老柳爭舒眼看，
盡別離。渾不管琴鶴樓何不移去，荒谿之側窮巖幽。我不
復見何怨尤，乃當湖山花木最佳處。葡萄深盃醜紅油，一
時朋友自膠漆。萬古弟兄曾勸酬，黃墟黃墟非少壯。不須
鄰笛增悽愴，成佛生天本是虛。求官作達真成妄，西冷依
舊好風煙。回首經今十五年，吟魂醉魄難呼取。獨立西江
三板船。

酬別蘄石

夜雨催征艫，梅花別故城。江山徒老大，衣食豈聲名。碧海

雙萍闊青天一雁橫
愁心懸去住之子獨深情
樂歲辭家數春風上路偏
暫時還酒盞明日卽瀛壖
甘旨情難愜江湖迹舊懸
男兒甯戀別俯仰感中年

朱鏡堂招同諸君泛飲秦淮

燕拂簾前柳人移鏡裏天
水痕高到檻雨氣散如煙
衫扇清殘暑笙歌貯別船
雙鬢誰氏女一曲想夫憐

舷公舊隱題壁

說法滿天下凶然公獨吟
水流無住相灰死得寒心
窗外老梅瘦門前黃葉深
千秋詩兩卷政不要知音

蕪湖

白雁黃雲落照橫
江山無恙慰經行
潮頭暗齧王敦墓
嵐氣晴飛謝尚城
畫鷁宮袍虛古月
寶鞭駿馬只殘營
酒酣

不盡興亡感忍聽當年詠史聲

將歸嘉禾留別寶意

英瓊繡段疊還重一月中江忽舊蹤霜露空山須暫去雲
龍萬里會相從論心合似乳投水鍊句精于金在鎔誰識
燉煌杜法順華嚴字字暢禪宗

酬桐石

寒影蕭然簇一鐙兩峯應怪客來仍稍緣病退秋情健不
爲涼多酒力勝小技文章那制命中年鬚鬢欲皈僧與君
且話通宵雨如此湖山捨未能

長至日度桃花隘

半擔輕裝路百盤壓裘雲氣括蒼寒洞桃牽夢曾無影宮
綫添愁漸有端東郭雪霜雙屨健康成湖海一萍寬差羸

劍閣經行慣未欠天西蜀道難

經天姥寺

天姥峯陰天姥寺竹房澗戶窈然通老僧敲磬雨聲外危
坐誦經雲氣中禪榻茶煙成夙世天雞海日又春風回頭
卻意十年夢夢與山東李白同

漢上逢諸親舊累邀泥飲

明鐙高館拍聲催大阮招邀小陸陪難得異鄉逢密戚可
能良夜不深盃江連清漢分還合人過中年樂亦哀珍重
天涯老兄弟淮南米賤好歸來

雨中集竹所賦春陰得煙字

雨絲漠漠散如煙竹外軒窗綠可憐花盡簾垂看燕乳桑
濃村暗想蠶眠閒居鎮自消香篆近局猶能判酒錢莫道

彭明齋詩話卷之十三
三
春隨人老去春歸還復有明年

題元遺山詩集後

庾信頭顱雪滿圍傷時傷事足歔歎千戈掃蕩留才子禾黍叢殘竄布衣鐙地歌闌塵劫換天荒地老夢華非可憐
醉殺長安酒不抵思鄉一涕揮

蕭蕭走馬傍長楸一代聲華剩楚囚野史盡煩供樂府劫
灰飛不到中州亂來花草銅駝淚夢裏家山渭水流血漬
模糊難卒讀打窗寒雨颯窮秋

臨平道中看白荷花同朱冰壑陳漁所

船窗六扇拓銀紗倚槳風前正落霞依約前灘涼月曬但
聞花氣不看花

臯亭來往省年時香飲連筒醉不辭莫怪花容渾似雪看

花人亦鬢成絲

秦淮絕句

紈扇桃花細字明
黑頭江令見須驚
瓊枝玉樹根長在
觸著東風會卻生

江行雜詩

江上丈人空復期
蘆花如雪覆蘆漪
江波流盡千年事
明月白鷗都不知

翟灝字大川號晴江仁和人乾隆甲戌進士官金華教授有無不宜齋橐

杭大宗曰大川傑居東郭與處士吳西林結讀書之社詩才清麗爲吾鄉後來英俊領袖吳退庵日翟氏一門以詩書鳴晴江所居榜日書巢所著四書考異爾雅補郭湖山便覽良維志通俗編其緒餘也少年結東皋吟社啞地千言顯徵引擔拾不免細碎之病取尤爲清迥者

東郊晚行

秋客愛夕佳信步越畦畛荒逕少人踪屈曲辨修蚓微風
來前林楸葉紛以隕高天氣象嚴雲色釀寒緊眠情適沙
鷗過影疾霜隼度險橋階危穿幽竹蹊盡閒勞亦何爲遠
被風物引

橫空縱我眼列岫展天末青蒼一幅披秀色不可割中有
度世人光景坐超忽還欲招之遊山心話飢渴白雲來悠
然高鴻向空沒

好景不肯常況茲桑榆促村廚爆溼薪煙帛起純束一暝
萬形齊何由著閒矚巢禽戢動羽途人斷歸躅清豪振涼
養健語共相勸郊路熟可循林黑誤已數賴有流螢飛高
下閃古綠荒涼興未摧寂靜意偏屬心鏡終澄明行吟多

所觸

銀輪轉無聲
突自林端推
杳來清影眾
我影亦同來
萬象復我有
眼爲今日開
落落秋勢迴
納納天宇恢
溪光曳遙帛
岫色堆寒灰
詩肩聳千尺
與月相徘徊

寒淺未成霜
灑灑露如瀉
芒鞋草間行
沾漉及兩踝
到家近猶疑
喬木認里舍
鄰機悄已停
吠犬驀籬罅
茅叢何處光
破壁一鐙射
婦功懷土風
寸晷惜無暇
向來安眠中
妙景虛夜夜

開山廟

陂陀滑無鞞
亂礫堆隆窠
僕夫整綬睨
未厯先愁嗟
掀轟做棧軫
犖确盤蛻蛇
向回路轉隘
巉石如排衙
一縷五丁力
皴紋被稠麻
催鞭度磕匝
挂轄憂來車

樹山

北山例鉗髭茲谷極蔥蒨瘦幹突雲房交根絡石面陡空
立怪峯鑿壁開飛殿古像兀虛光危階直懸綫當門虎豹
雄靈狀咄百變凌競阻復前望望不知倦

吳江

垂虹亭畔月暫照木蘭船秋老蓴鱸國霜寒橘柚天鷺飛
煙路闊人靜水花鮮緬想三高士披吟笠澤編

篔簹橋途中作

淺笠輕衫得自由近郊閒趁晚晴遊翠陰夾路忽成巷涼
氣襲衣先報秋園朵欲攀搖未定并華待汲去仍留煙村
曖曖遙相引幾處柴扉傍竹幽

題阮生畫蘆雁

載雪低叢一丈深
圓沙拍拍赴幽尋
水鄉風物江南景
縱極蒼涼也繫心

晚晴移詩匯卷八十三終